

朔汪刻本

五代史記七十四卷

八冊

歐陽公五代史今通行者惟汲古閣本西莊光祿嘗刊其
脫落誤數十事其善本也丙寅歲得嘉靖刻本于
福州以校毛本此為擅勝其白西莊所正合者十有共九
視晉書人傳圖其第而族一此族作誅克謀傳進玉清
橋作進玉清橋諸條知西莊亦未見此本也宋本希觀
以此為最善本矣卷中過宋諱法、缺筆較多
作說文有體甯心從宋槩出也任刻前後漢書其
極稱一而詳及此者知少流傳矣卷有陸文紀
印嘉人昆華玷辱是也因其舊物故不
士焉
庚午正月十日周星詒誌

五代史記序

建安陳師錫撰

孟子曰三代之得天下也以仁其失天下也以不仁自生
 民以來一治一亂旋相消長未有去仁而興積仁而亡者
 甚哉五代不仁之極也其禍敗之復殄滅剥喪之威亦其
 效耳夫國之所以存者必有民民之所以生者必有君方
 其時上之人以慘烈自任刑戮相高兵革不休夷滅構禍
 尸猶易吏變國若傳舍生民膏血塗草野骸骼暴原
 隰君民相昧如髮蠶草木幾何其不存月為夷也逮皇天悔
 禍真久出忠乎易暴以仁轉禍以德民咸保其首領收其族
 屬各正性命豈非天邪方夷夏相蹂互連亂結非無忠良
 之禁于單智以緩民之死乃堙及而無聞夫否閉

而天巨猾播毒煽禍以害斯人者蹈鼎鑊斧鑕之不暇豈
非人邪天與人相為表裏和同於無間聖人知天之所助
人之所歸國之所恃以為固者仁而已非特三代然也堯
舜之盛漢唐之興秦隋之暴魏晉之亡南北之亂莫不由
此也五代距今百有餘年故老遺俗往往垂絕無能道說
者史官秉筆之士或文采不足以耀無窮道學士不足以繼
述作使五十有餘年間廢興存亡之迹姦臣賊子之罪忠
臣義士之節不傳於後世來者無所攷焉惟廬陵歐陽公
慨然以自任著潛心累年而後成書其事迹實錄詳於舊
記而褒貶義例仰師春秋由遷固而來未之有也至於論
朋黨宦女忠孝兩全義子降服豈不補哉豈不補哉

五代史記目錄

第一卷

梁本紀第一

太祖上

第二卷

梁本紀第二

太祖下

第三卷

梁本紀第三

末帝

第四卷

唐本紀第四



莊宗上

第五卷

唐本紀第五

莊宗下

第六卷

唐本紀第六

明宗

第七卷

唐本紀第七

愍帝

廢帝

第八卷

晉本紀第八

高祖

第九卷

晉本紀第九

出帝

第十卷

漢本紀第十

高祖

隱帝

第十一卷

周本紀第十一

太祖

第十二卷

周本紀第十二

世宗

恭帝

第十三卷

梁家人傳第一

太祖文惠皇后王氏

元貞皇后張氏

陳昭儀

李昭容

末帝妃張氏

妃郭氏

太祖子友裕

友珪

友璋

友雍

友徽

友孜

友文

兄全昱

全昱子友諒

友能

友詢

兄存子友寧

友倫

第十四卷

唐太祖家人傳第二

太祖劉太妃

貞簡皇后曹氏

莊宗神閔敬皇后劉氏

淑妃韓氏

德妃伊氏

太祖子存美

存霸

存禮

存渥

存乂

存雍

存紀

太祖弟克讓

克脩

克脩子嗣弼

嗣肱

克恭

克寧

克寧子環

莊宗子繼岌

繼潼

繼嵩

繼蟾

繼堯

第十五卷

唐明宗家人傳第三

明宗和武憲皇后曹氏

昭懿皇后夏氏

宣憲皇后魏氏

淑妃王氏

愍帝哀皇后孔氏

明宗子從璟

從榮

從益

姪從璨

從璋

從溫

從敏

第十六卷

唐廢帝家人傳第四

皇后劉氏

子重吉

重美

第十七卷

晉家人傳第五

高祖皇后李氏

太妃安氏

出帝皇后馮氏

高祖子重信

重乂

重英

重進

重睿

重杲

高祖叔父萬友

萬友子敬威

敬嬪

萬銓

萬銓子敬暉

高祖兄敬儒

高祖弟敬德

敬殷

重胤

出帝子延煦

延寶

第十八卷

漢家人傳第六

高祖皇后李氏

高祖弟崇信

高祖子承訓

承勳

姪贊

第十九卷

周太祖家人傳第七

聖穆皇后柴氏

淑妃楊氏

貴妃張氏

德妃董氏

子侗

信

姪守愿

奉超

遜

第二十卷

周世宗家人傳第八

柴守禮

世宗貞惠皇后劉氏

宣懿皇后符氏

後晉皇后符氏

世宗子誼

誠

誠

熙讓

熙謹

第二十一卷

梁臣傳第九

敬翔

李唐賓

葛從周

張存敬

劉捍

熙誨

朱珍

龐師古

霍存

符道昭

寇彥卿

第二十二卷

梁臣傳第十

唐懷英

牛存節

劉鄩

張歸霸

歸厚

王重師

第二十三卷

梁臣傳第十一

楊師厚

賀瓌

馬嗣微

謝彥章

歸弁

徐懷玉

王景仁

王檀

王虔裕

第二十四卷

唐臣傳第十二

郭崇韜

第二十五卷

安重誨

唐臣傳第十三

周德威

符存審

史建瑭子臣翰

王建及

元行欽

安金全

袁建豐

西方鄴

第二十六卷

唐臣傳第十四

符習

烏震

孔謙

張廷朗

李嚴

李仁矩

毛璋

第二十七卷

唐臣傳第十五

朱弘昭馮斌附

劉延朗

康思立

康義誠

藥彥稠

第二十八卷

唐臣傳第十六

豆盧革

盧程

任圜

趙鳳

李龍吉

張憲

蕭希甫

劉贊

何瓚

第二十九卷

晉臣傳第十七

桑維翰

吳巒

景延廣

第三十卷

漢臣傳第十八

蘇逢吉

史弘肇

楊邠

王章

劉銖

李業

聶文進

後贊

郭允明

第三十一卷

周臣傳第十九

王朴

鄭仁誨

盧載

第三十二卷

死節傳第二十

王彦章

裴約附

劉仁贍附

第三十三卷

死事傳第二十一

張源德

夏魯奇

姚洪

王思同

張敬達

翟進宗

沈斌

王清

史彥超

孫晟

第三十四卷

一行傳第二十二

鄭邀

張薦明

石昂

程福贇

李自倫

第三十五卷

唐六臣傳第二十三

張文蔚

楊涉

張策

趙光逢

薛貽矩

蘇循杜曉附

第三十六卷

義兒傳第二十四

李嗣昭

嗣本

嗣恩

存信

存孝

存進

存璋

存賢

第三十七卷

伶官傳第二十五

敬新磨

景進

史彥瓊

郭從謙

第三十八卷

宦者傳第二十六

張承業

張居翰

第三十九卷

雜傳第二十七

王鎔

羅紹威

王處直

劉守光

第四十卷

雜傳第二十八

李茂貞

韓建

李仁福

韓遜

楊崇本

高萬興

溫韜

第四十一卷

雜傳第二十九

盧光稠

譚全播

雷滿

鍾傳

趙匡疑

第四十二卷

雜傳第三十

朱宣

瑾

王師範

李罕之

孟方立

王珂

趙犇

馮行襲

第四十三卷

雜傳第三十一

氏叔琮

李彥威

李振

裴迪

章震

孔循

孫德昭

王敬

蔣殷

第四十四卷

雜傳第三十二

劉知俊

丁會

賀德倫

閻寶

康延孝

第四十五卷

雜傳第三十三

張全義

朱友謙

袁象先

朱漢賓

段凝

劉玘

周知裕

陸思鐸

第四十六卷

雜傳第三十四

趙在禮

霍彥威

房知溫

王晏球

安重霸

王建立

康福

郭延魯

第四十七卷

雜傳第三十五

華溫琪

裴從簡

張筠弟錢

李周

李承約

相里金

馬全節

安彥威

劉景巖

楊彥詢

劉處讓

張希崇

張廷蘊

皇甫遇

李瓊

第四十八卷

雜傳第三十六

盧文進

楊思權

劉審交

李金全

王弘贄

王周

高行周

白再榮

第四十九卷

雜傳第三十七

翟光鄴

皇甫暉

王進

孫方諫

行珪

安叔千

馮暉

唐景思

常思

第五十卷

雜傳第三十八

王峻

劉詞

王殷

王環

折從阮

第五十一卷

雜傳第三十九

朱守殷

董璋

范延光

婁繼英

安重榮

安從進

楊光遠

第五十二卷

雜傳第四十

杜重威

李守貞

張彥澤

第五十三卷

雜傳第四十一

王景崇

趙思綰

慕容彥超

第五十四卷

雜傳第四十二

馮道

李珣

李琪

鄭珏

李愚

盧導

司空頴

第五十五卷

雜傳第四十三

劉昫

盧文紀

馬胤孫

劉岳

盧損

崔悅

第五十六卷

雜傳第四十四

和凝

馮玉

呂琦

何澤

史珪

第五十七卷

姚顛

馬縞

崔居儉

李諱

趙瑩

盧質

薛融

王權

龍敏

李麟

雜傳第四十五

李崧

賈緯

張允

裴皞

裴羽

馬重績

第五十八卷

司天考第一

第五十九卷

司天考第二

第六十卷

職方考第三

第六十一卷

吳世家第一

楊行密

子澤 隆演 一傳

徐温

第六十二卷

南唐世家第二

李昇

子景通

景子煜

第六十三卷

前蜀世家第三

王建

子衍

第六十四卷

後蜀世家第四

孟知祥

子昶

第六十五卷

南漢世家第五

劉隱

弟龍夫

龔子玠

晟

晟子振

第六十六卷

楚世家第六

馬殷

子希聲

希範

希廣

劉言

周行逢

第六十七卷

吳越世家第七

錢鏐

子元囁

元囁子佐 儼

第六十八卷

閩世家第八

王審知

子延翰 鑄子繼鵬
子延義 延政

第六十九卷

南平世家第九

高季興

子從誨 從誨子保融 保融子繼冲
保勗 保融子繼冲

第七十卷

東漢世家第十

劉旻

子承鈞 承鈞子繼恩 繼元

第七十一卷

十國世家年譜第十一

第七十二卷

四夷附錄第一

夷狄

第七十三卷

四夷附錄第二

兀欲

第七十四卷

四夷附錄第三

奚

吐渾

達韃

党項

突厥

吐蕃

回鶻

于闐

高麗

渤海

新羅

黑水

南詔

特柯

占城

本紀十二卷

列傳四十五卷

四夷司天職方考三卷

世家年譜十卷

四夷附錄三卷

蓋誠以行事不可生事也

五代史記目錄終

五代史記卷第一

梁本紀一

宋歐陽脩撰 明汪文盛高濂傳汝舟校

本紀因舊以為名本原貝所始起而紀次其事與時也即位以前其事詳原本其所自來故曲而備之見其起之有漸有暴也即位以後其事略居尊任重所責者大故所書者簡惟簡乃可立法

太祖神武元聖孝皇帝姓朱氏宋州碭山午溝里人也其

父誠以五經教授鄉里生三子曰全昱存温變諱其書名義在稱王注中

誠卒三子貧不能為生與其母傭食蕭縣人劉崇家全昱

無他材能然為人頗長者存温勇有力而温尤兇悍唐僖

宗乾符四年黃巢起曹濮存温亡入賊中巢攻嶺南存戰

死巢陷京師以温為東南面行營先鋒使攻陷同州以為

同州防禦使是時天子在蜀諸鎮會兵討賊諸鎮記當時語也唐謂節度使

所治軍州為藩鎮故有赴鎮移鎮之語温數為河中王重榮所敗屢請益兵於

巢巢中尉孟楷抑而不通温客謝瞳說温曰黃家起於草莽并幸唐衰亂直投其隙而取之爾非有功德興王之業也此豈足與共成事哉今天子在蜀諸鎮之兵日集以謀興復是唐德未厭於人也且將軍力戰於外而庸人制之於內此章邯所以背秦而歸楚也温以為然乃殺其監軍嚴實自歸于河中因王重榮以降都統王鐸承制拜温左金吾衛大將軍河中行營招討副使天子賜温名全忠中和三年三月拜全忠汴州刺史宣武軍節度使四月諸鎮兵破巢復京師巢走藍田七月丁卯全忠歸于宣武是歲黃巢出藍田關陷蔡州節度使秦宗權叛附于巢遂圍陳州徐州時溥凡稱某州其皆其節度使為東南面行營兵馬都統會東諸鎮兵以救陳陳州刺史趙犖亦乞兵于全忠溥雖為都統

而不親兵四年全忠乃自將救犖率諸鎮兵擊敗巢將黃鄴尚讓等犖以全忠為德始附屬焉是時河東李克用下兵太行度河出洛陽與東兵會擊巢巢已敗去全忠及克用追敗之于郟城巢走中牟又敗之于王滿巢走封丘又大敗之巢挺身東走至泰山狼虎谷為時溥追兵所殺九月天子以全忠為檢校司徒同中書門下平章事封沛郡侯光啓二年三月進爵王義成軍亂逐其節度使安師儒推牙將張駮為留後師儒來奔殺之遣朱宿李唐賓陷滑州以胡真為留後十二月徙封吳興郡王自黃巢死秦宗宗權稱帝陷陝洛懷于唐許汝鄭州遣其將秦賢盧瑋張晳攻汴賢軍板橋晳軍北郊瑋軍萬勝環汴為三十六柵王顧兵少不敢出始而稱名既而稱爵既而稱帝乃遣朱珍募兵

於東方而求救于兗鄆三年春珍得兵萬人馬數百匹以歸乃擊賢板橋拔其四柵又擊瑋萬勝瑋敗投水死宗權聞瑋等敗乃自將精兵數千柵北郊五月兗州朱瑾鄆州朱宣來赴援流俗本宣從王者非王置酒軍中中席王陽起如廁以輕兵出北門襲晁而樂聲不輟晁不意兵之至也兗鄆之兵又從而合擊遂大敗之斬首一萬餘級宗權與晁夜走過鄭屠其城而去宗權至蔡復遣張晁攻汴王聞晁復來登封禪寺後岡望晁兵過遣朱珍躡之戒曰晁見吾兵必止望其止當速返毋與之鬪也已而晁見珍在後果止珍即馳還王令珍引兵蔽大林而自率精騎出其東伏大冢間晁止而食食畢拔旗幟馳擊珍珍兵小却王引伏兵橫出斷晁軍為二而擊之晁大敗脫身走宗權怒斬晁而河

陽陝洛之兵為宗權守者聞蔡精兵皆已殲於汴因各潰去故諸葛爽將李罕之取河陽張全義取洛陽以來附十月天子使來賜王紀功碑朱宣朱瑾兵助汴已破宗權東歸王移檄交鄆誣其誘汴亡卒以東乃發兵攻之取其曹州濮州遂遣朱珍攻鄆州大敗而還十二月天子使來賜王鐵券及德政碑淮南節度使高駢死楊行密入揚州天子以王兼淮南節度使王乃表行密為副使以行軍司馬李璠為留後璠之揚州行密不納文德元年正月王如淮南至宋州而還是時秦宗權陷襄州以趙德諱為節度使德諱叛于宗權以來附天子因以王為蔡州四面行營都統以德諱為副三月庚子僖宗崩天雄軍亂囚其節度使樂彥直其子相州刺史從訓攻魏來乞兵遣朱珍助從訓

攻魏而魏軍殺彥真從訓戰死魏人立羅弘信珍乃還張
全義取河陽逐李罕之罕之奔于河東李克用遣兵圍河
陽全義來求救遣丁會牛存節救之擊敗河東兵于沁河
五月行營討蔡州圍之百餘日不克是時時溥已為東南
面都統又以王統行營而溥猶稱都統王乃上書論溥討
蔡無功而不落都統且欲激怒溥以起兵端初高駢死淮
南亂楚州刺史劉瓚來奔納之及王兵攻蔡不克還欲攻
徐乃遣朱珍將兵數千以東聲言送瓚還楚州溥怒論已
又聞珍以兵來果出兵拒之珍戰于吳康大敗之取其豐
蕭二縣遂攻宿州下之珍屯蕭縣別遣龐師古攻徐州龍
紀元年正月師古敗溥于呂梁淮西牙將申叢執秦宗權
折其足將檻送京師別將郭璠殺叢篡宗權以來獻書遣

行軍司馬李璠獻俘于京師表郭璠淮西留後三月天子
封王為東平王七月朱珍殺李唐賓王如蕭縣執珍殺之
遂攻徐州冬大雨水不能屯軍而旋初秦宗權遣其弟宗
衡掠地淮南是歲宗衡為其將孫儒所殺儒攻揚行密于
揚州淮南大亂行密走宣州儒入揚州大順元年春遣龐
師古攻孫儒于淮南大敗而還四月宿州將張筠以宿州
復歸于時溥王自將攻之不克初黃巢敗走李克用追之
至于冤胸不及而旋過汴駐軍于北郊王邀克用置酒上
源驛夜以兵攻之克用踰城而免訟其事于京師天子知
曲在汴而和解之至是宰相張濬私與汴交王厚之以賂
濬為汴請伐河東唐諸大臣皆以為不可興師濬挾汴力
請益堅天子不得已而許之五月以濬為太原四面行營

都統王為東南面招討使然王不親兵以兵三千屬濬而
已濬屯于陰地河東叛將馮霸殺潞州守將李克恭來降
遣葛從周入潞州李克用遣康君立攻之從周走河陽九
月王如河陽十月天子以王兼宣義軍節度使遂如滑州
假道于魏以攻河東且責其軍須亦所以怒魏為兵端也
魏人果以謂非兵所當出而辭以糧乏皆不許於是攻魏
十一月張濬之師大敗于陰地二年正月王及魏人戰于
內黃大敗之屠故元城羅弘信來送款十月克宿州十一
月曹州將郭紹賓殺其刺史郭饒來降十二月丁會敗朱
瑾于金鄉景福元年二月攻鄆州前軍朱友裕敗于斗門
王軍後至又敗而還冬友裕取濮州遂攻徐州二年四月
龐師古克徐州殺時溥王如徐州以師古為留後遂攻交

鄆乾寧元年二月王及朱宣戰于漁山大敗之二年八月
又敗宣于梁山十一月又敗之于鉅野交鄆求救于河東
李克用發兵救之假道于魏既而魏人擊之克用怒大舉
攻魏羅弘信來求救遣葛從周救魏是歲李克用封晉王
三年五月戰于洹水擒克用子落落送于魏殺之七月鳳
翔李茂貞犯京師天子出居于華州王請以兵赴難天子
優詔止之又請遷都洛陽不許四年正月龐師古克鄆州
王如鄆州以朱友裕為留後遂攻交州朱瑾奔于淮南以
葛從周為交州留後九月攻淮南龐師古出清口葛從周
出安豐王軍屯于宿州楊行密遣瑾先擊清口師古敗死
從周亟返兵至于泝河瑾又敗之王懼馳歸光化元年三
月天子以王兼天平軍節度使四月遣葛從周攻晉之山

東取邢洛磁三州襄州趙匡疑自其父德誼時來附匡疑
又與楊行密李克用通而其事泄七月遣氏叔宗康懷英
攻匡疑取其祕隨鄧三州曾三異校定曰三異案唐書地理志唐
州天祐三年朱全忠徙為必陽表更乞
必州則是天祐二年唐州舊名滿在至二年始更為
必光化之初未當有必州之名今書為必則誤也匡疑請和乃止

十二月李罕之以潞州來降二年幽州劉仁恭攻魏羅紹
威來求救王救魏敗仁恭于內黃四月遣氏叔琮攻晉太
原不克七月李克用取澤潞十一月保義軍亂殺其節度
使王珙推其牙將李璠為留後其將朱簡殺璠來降以簡
為保義軍節度使三年四月遣從周攻劉仁恭之滄州取
其德州及仁恭戰于老鷓堤大敗之八月晉取洛州王如
洛州復取之是時鎮定皆附于晉日遂攻鎮州破臨城王鎔
來送款進攻定州王郛奔于晉且將王處直以定州降唐

宦者劉季述作亂天子幽于東宮天復元年正月護駕者
頭孫德昭誅季述天子復立封王為梁王遣張存敬攻王
珂于河中出含山下晉絳二州王珂求救于晉晉不能救
乃來降三月大舉攻晉氏叔琮出太行取澤潞葛從周張
存敬侯言張歸厚及鎮定之兵皆會于太原圍之不克遇
雨而退五月天子以王蕪河中尹護國軍節度使六月晉
取慈隰自劉季述等已誅宰相崔胤外與梁交欲假梁兵
盡誅宦者而鳳翔李自茂邠寧王行瑜等皆遣子弟以精
兵宿衛天子宦者韓全誨等亦因恃以為助天子與胤計
事宦者屬耳頗聞之乃選美女內之宮中陰令伺察其實
久之果得胤策謀所以誅宦者之說全誨等大懼日夜相
與涕泣思圖胤以求全胤知謀泄事急即矯為制召梁兵

入誅宦者十月王以宣武宣義天平護國兵七萬至于河中取同州遂攻華州韓建出降全誨等聞梁王兵且至即以岐郿宿衛兵劫天子奔于鳳翔王乃上書言胤所以召之之意天子怒罷胤相責授工部尚書詔梁兵還鎮王引兵去攻郿州屯于二原郿州節度使楊崇本以郿寧慶行四州降崔胤奔于華州二年春王退軍于河中晉攻晉絳遣朱友寧擊敗晉軍于蒲縣取汾慈隰遂圍大原不克而還汾慈隰復入于晉四月友寧引兵西至興平及李茂貞戰于武功大敗之王兵犯鳳翔茂貞數出戰輒敗遂圍之十一月郿坊李周彝彝以兵救鳳翔王遣孔勣襲郿州虜周彝彝之族徙于河中周彝彝乃降是時岐兵屢敗而圍久城中食盡自天子至後宮皆凍餒三年正月茂貞殺韓全誨等

二十人囊其首示梁軍約出天子以為解甲天子出幸梁軍遣使者馳召崔胤胤託疾不至王使人戲胤曰吾未識天子懼其非是子來為我辨之天子還至興平胤率百官奉迎王自為天子執轡且泣且行行十餘里止之人見者咸以為忠已巳天子至自鳳翔素服哭于太廟而後入殺宦者七百餘人二月甲戌天子賜王回天再造竭忠守正功臣以輝王祚為諸道兵馬元帥王為副元帥王乃留子友倫為護駕指揮使曾三異校定曰三異案家人傳友倫乃王兄存之子其後中書上議亦皆謂之皇姪以為天子衛引兵東歸天子餞于延喜樓賜楊柳枝五曲初梁兵已西青州王師範遣其將劉鄩襲據梁兖州王已還梁四月如鄆州遣朱友寧攻青州師範敗之于石樓友寧死九月揚師厚敗青人于臨朐取其棣州師範以青州降

而鄆亦降友倫擊鞠隨馬死王怒以為崔胤殺之遣朱友
謙殺胤于京師曾三與校定曰三與案家人其與友倫擊鞠者
皆殺之自天子奔華州王請遷都洛陽雖不許而王命河
南張全義修洛陽宮以待天祐元年正月王如河中遣牙
將寇彥卿如京師請遷都洛陽并徙長安居人以東天子
行至陝州王朝于行在先如東都是時公軍諸衛兵已散
亡其從以東者小黃門十數人打球供奉內園小兒等二
百餘人行至穀水王教醫官許昭遠告其謀亂悉殺而代
之然後以聞由是天子左右皆梁人矣四月甲辰天子至
自西都是時置皇李克用岐王李茂貞楚王趙匡疑蜀王
王建吳王楊行密曾三與校定曰三與案克用本紀及茂貞傳建
行密世家皆書其在唐所授獨匡疑不書其在
唐此乃聞梁遷天子洛陽皆欲舉兵討梁王大懼六月楊崇

本復附于岐王乃以兵如河中聲言攻崇本遣朱友恭氏
叔琮蔣玄暉等行弒昭宗崩十月王朝于京師殺朱友恭
氏叔琮十一月攻淮南取其光州攻壽州不克而旋二年
二月遣將玄暉殺德王裕等九王于九曲池六月殺司空
裴贄等百餘人七月天子復使來賜王迎鑾紀功碑王欲
代唐使人諭諸鎮襄州趙匡疑以為不可遣楊師厚攻之
取其唐鄧復郢隨均房七州王如襄州軍于漢北九月師
厚破襄州匡疑奔于淮南師厚取荆南荆南留後趙明奔
于蜀遂出光州以攻壽州不克天子卜祀于南郊王怒
以為蔣玄暉等欲祈天以延唐天子懼改卜郊十一月辛
巳天子封王為魏王相國惣百揆以宣武宣義天平護國
天雄武順佑國河陽義武昭義武寧保義忠義武昭武定

泰寧五年盧匡國鎮國荆南忠武二十一軍為魏國備九錫
王怒不受十二月天子以王為天下兵馬元帥王益怒遣
人告樞密使蔣玄暉與何太后私通殺玄暉而焚之遂弒
太后于積善宮又殺宰相鄭璩太常卿張延範車裂以徇
天子下詔以太后故停郊三年春魏州羅紹威謀殺其牙
軍來假兵以盧變王為發兵北攻蜀仁恭之滄州兵過魏
而紹威已殺牙軍其兵之在外者果皆叛據貝衛潭博州
王以兵悉殺之遂攻滄州軍于長蘆劉仁恭求救于晉
人取潞州王乃旋軍

五代史記卷第一

五代史記卷第二

梁本紀二

宋歐陽脩撰徐無黨注明汪文盛高濂傳汝舟校

開平元年春正月壬寅天子使御史大夫薛貽矩來勞軍

宰相張文蔚率百官來勸進夏四月壬戌更名曰光甲子皇

帝即位自即位以後大事則書變古則書非常則書意戊辰大赦

赦文皆曰大赦天下此書大見於志之改元國梁封唐主為

濟陰王謂天子為晉王汴州為開封州府建為東都以唐東都

為西都廢京兆府為雍州州縣廢置見職方賜東都輔一日

契丹阿保機使袍笏梅老來夷狄來不言朝不貢其禮不言貢

其愛來以見夷狄之來不來不五月丁丑朔以唐相張文蔚

楊涉為門下侍郎御史大夫薛貽矩為中書侍郎同中書門

下平章事戊寅渤海契丹遣使者來夷狄君臣姓名言爵

或書或不書不必備或

因其舊史之詳畧也 乙酉兄至昱為廣王子友文傳王妓

書其來以示意尔 非子而書子 友珪郢王友璋福王友貞均王友徽建王姪友

諒衡王友能惠王友誨邵王甲午改樞密院為崇政院太

府御敬翔為使是月路州行營都指揮使李思安及晉人

戰敗績我敗曰敗績彼敗之文 六月甲寅平盧軍節度

使韓建守司徒同中書門下平章事秋七月己亥追尊祖

考為皇帝妣為皇后皇高祖諡曰宣元廟號肅祖祖妣范

氏諡曰宣僖曾祖茂林諡曰光獻廟號敬祖祖妣楊氏諡曰

光孝祖信諡曰昭武廟號憲祖祖妣劉氏諡曰昭懿考誠諡

曰文穆廟號烈祖妣王氏諡曰文惠八月丁卯同州好畤生

生隰州黃河清於是書見 九月括馬及十月己未講武于繁

臺十一月壬寅赦亡命背軍髡黥刑徒於好畤之世小赦必書

二年春正月丁酉渤海遣使者來己亥卜郊于西都弒濟

陰王弒臣子之大惡也書濟陰 二月辛未契丹阿保機遣使者

來三月壬申朔如西都辛巳至也如往而未至之辭 丙子如懷州

五代亂世兵無虛日不可悉書故用兵荒勝敗攻城無得失皆不書其

命大將與天子有所如自著大事爾此如懷澤者必兵方攻路州也

丁丑如澤州戊寅封鴻臚卿李崧介國公為二王後梁嘗更

而舊史悉 復為戊 壬午匡國軍節度使劉知俊為潞州行營招討使

癸巳改卜郊張文蔚薨夏四月癸卯楊涉罷吏部侍郎于

兢為中書侍郎翰林學士承旨禮部侍郎張策為刑部侍

郎同中書門下平章事壬子至澤州五月己丑路州行營

都雲修康懷英及晉人戰于夾城敗績築城圍戰于 戊戌

立唐三廟契丹遣使者來六月壬寅忠武軍節度使劉知

俊為西路行營招討使以伐岐用兵之名自四兩相攻曰攻以

自往曰征隨事為文不得不異非有褒貶也已酉殺右金吾衛上將軍王師範滅

其族當殺曰伏誅不當殺書以兩相當為文丙辰劉知俊及岐人戰于莫谷敗之

秋九月丁丑如陝州以晉人攻博王友文留守東都冬十月

丁未至自陝州十一月癸巳張策罷左僕射楊涉同中書

門下平章事十二月己亥以介國公為三恪鄜國公萊國

公為二王後

三年春正月甲戌如西都復然燈以祈福然燈風俗相傳自天子至于庶人舉天下

同其奢樂而風俗敝之大者故錄其詔意則其失可知庚寅享于太廟辛卯有事于南郊

祀天子南郊書曰有事錄當時語大赦丙申群臣上尊號曰睿文聖武廣孝

皇帝二月壬戌講武于西杏園甲子延州高萬興叛于岐

來降唐末之亂強弱相并或去彼來此不可為常三月辛未渤

海國王天誣譏遣使者來申戌如河中以高萬興降劉知俊兵攻鄜延故也山

南東道節度使楊師厚為潞州四面行營招討使劉知俊

取丹州夏四月丙午知俊克延鄜坊三州易傳曰取難得曰克文理宜然爾

五月己卯至自河中殺佑國軍節度使王重師六月庚戌

劉知俊執佑國軍節度使劉捍叛附于岐以身歸曰降以地歸日附亦文理宜爾知

後為忠武軍節度使以同州附岐今直書知俊而不言地蓋忠武已見上文辛亥如陝州以劉知俊叛故也乙

卯其王朱友謙為同州東面行營招討使劉知俊奔于岐

丹州軍亂逐其刺史宋知誨秋七月商州軍亂逐其刺史

李稠稠奔于岐乙丑克丹州執其首惡王行思初不知首惡之人故直曰

軍亂既克而推得之也丹州無主將姓名行思無官爵又不見伏誅之曰皆傳史失之乙亥至自陝州甲申

襄州軍亂殺其留後王班智不足以衛身才不足以治眾而見殺者不書死之而以被殺為文見死得其死者

士之大節不妄以予人房州刺史楊虔叛附于蜀八月辛亥降死罪囚

辛酉均州刺史張敬克房州執楊虔閏月癸酉契丹遣

使者來已卯閱稼于西苑九月壬寅行營招討使左衛上

將軍陳暉克襄州執其首惡李洪命暉討亂惟自史失不書至此始見既克而推得其首惡故

辛亥韓建揚涉罷太常卿趙光逢為中書侍郎翰林學士

承旨工部侍郎杜曉為戶部侍郎同中書門下平章事辛

酉李洪揚虔伏誅冬十一月甲午日南至告謝于南郊鋪

及劉知俊戰于升平敗績不必書因其以至日告謝而書告謝主用至日故書

四年春正月壬辰朔始用樂自唐末之亂禮樂亡丁未講武

于榆林二月己丑閱稼于穀水秋八月丙寅如陝州以岐人

故也夏州河南尹張宗奭留守西都辛未護國軍節度使楊師

厚為西路行營招討使以伐岐九月己巳至自陝州辛亥

搜訪貞良冬十一月己丑寧國軍節度使王景仁為北面

行營招討使以伐趙趙王王鎔比平王王處直叛附于晉

晉人救趙十二月癸酉頒律令格式

乾化元年春正月丁亥王景仁及晉人戰于栢鄉敗績庚

寅赦流罪以下囚求危言正諫癸巳天祥軍節度使楊師

厚為北面行營招討使夏四月壬申契丹阿保機遣使者

來五月甲申朔大赦改元癸巳幸張宗奭第秋八月戊辰

閱稼于榆林渤海遣使者來戊寅大閱于興安鞠場九月

辛巳朔御文明殿入閣御殿而云入閣錄其本語書之必見禮失

失足矣書以見其庚子如魏州魏州張宗奭留守西都冬十月丙

子大閱于魏東郊十一月高萬興取鹽州壬辰至自魏州

乙未回鵲吐蕃遣使者來

二年春二月丁巳光祿卿盧珽使于蜀甲子如魏州亦之書

定攻相魏也張宗奭留守西都次白馬終左散騎常侍孫隲右諫

議大夫張衍兵部郎中張雋戊寅如貝州三月丙戌屠棗

彊書者著其醜之甚者丁未復如魏州夏四月己巳至自魏州不書則西都則

此至東戊寅如西都五月丁亥德音降死罪已下囚德音赦之者從小其

本名必著其實罷後徒林屠者及捕生渤海遣使者來是月薛貽矩薨

六月疾革郢王友珪反叛者皆此而附彼猶臣於人也反自下而謀上

有不得而日反非一朝一夕戊寅皇帝崩年六十一不書崩處以異於得

不能得其日故反者皆不日葬之河南伊闕縣號宣陵葬之河南伊闕縣號宣陵以不得其死故不書葬

嗚呼天下之惡梁久矣自後唐以來皆以為偽也至于諭

次五代獨不偽梁議者或譏予大失春秋之旨以謂梁負

大惡當加誅絕而反進之是將篡也非春秋之志也予應

之曰是春秋之志爾魚桓公弑隱公而自立者宣公弑子

赤而自立者鄭厲公逐世子忽而自立者衛公孫剽逐其

君弑而自立者聖人於春秋皆不絕其為君此予所以不

偽梁者用春秋之法也然則春秋亦獎篡乎曰惟不絕四

者之為君於此見春秋之意也聖人之於春秋用意深故

能勸戒切為言信然後善惡明夫欲著其罪於後世在乎

不沒其實其實宜為君矣書其為君其實宜也書其篡

各傳其實而使後世信之則四君之罪不可得而掩爾使

為君者不得掩其惡然後人知惡名不可逃則為惡者庶

乎其自矣矣是謂用意深而勸戒切為言信而善惡明也桀

紂不待貶其王而萬世所共惡者也春秋於大惡之君不

貶其王而萬世所共惡者也春秋於大惡之君不

誅絕之者不害其復善惡之旨也惟不沒其實以著其罪而信乎後世與其為君而不得掩其惡以息人之為惡能知春秋之此意然後知予不偽梁之旨也

五代史記卷第二

五代史記卷第三

梁本紀三

宋歐陽脩撰徐無黨注明汪文盛高濂傅汝舟校

末帝太祖第三子友貞也末非謚號從其本語為美容容貌沈厚寡言

雅好儒士太祖即位封均王為左天興軍使東京馬步軍

都指揮使乾化二年六月太祖遇弒友珪自立殺博王友

文以弒帝之罪歸之以王為東京留守後開封尹敬翔為中

書侍郎同中書門下平章事戶部尚書李振為崇政院使

明年友珪改元曰鳳曆二月駙馬都尉趙巖至東都王私

與之語遣馬橫交之魏州見楊師厚計事師厚遣小校王

惟賢至洛陽告左龍虎統軍袁象先使討賊是時懷州龍

驤屯兵叛方捕索之王乃偽為友珪詔書曰發左右龍驤在

東都者皆還洛陽因激怒之曰天子以懷州屯兵叛追汝

等欲盡坑之諸將皆泣莫知所為王曰先皇帝經營王業三十餘年今日尚為友珪所殺汝等安所逃死乎因出太祖畫像示諸將而泣曰汝能趨洛陽擒逆賊則轉禍為福矣軍士皆呼萬歲請王為主王乃遣人趣象先等庚寅象先等以兵討賊友珪死杜曉見殺象先遣趙巖持傳國寶至東都請王入洛陽王報曰夷門太祖所以興王業也北拒并汾東至淮海國家藩鎮多在東方命將出師利於便近是月皇帝即位于東都即位大事失其日而書是月見亂之甚於東都終上文也復稱乾化二年十二月王友文官爵三月丁未更名鐸夏五月楊師厚取滑州秋九月甲辰御史大夫姚洎為中書侍郎同中書門下平章事冬十二月晉人取幽州夏四月丁丑貶于兢為萊州司馬武寧軍節度使蔣

及字反之誤

殷及天平軍節度使牛存節討之

貞明元年春正月存節克徐州蔣殷自燔死故不書伏誅三月丁卯趙

光逢罷平虜軍節度使賀德倫為天雄軍節度使命官不書非常

而有故則書此書為天雄軍亂張本今其相澶衛州為昭德軍宣徽使張鈞

為節度使己丑天雄軍亂賀德倫叛附于晉軍亂書首惡不書而書德

倫殺責貴者深也德倫不可加以首惡而可責其不死以故張彥實首惡而畧不書彥微者德倫可以誅而不誅故以德倫獨任其責可白也邠州李保衡叛于岐來附夏六月庚寅朔晉王

李存勗入于魏州遂取德州冬十月辛亥康王友孜反伏

誅反者不日誅反者有日故書十一月乙丑改元耀州溫昭圖叛于岐

來附是歲更名瑱舊史失其日月

二年春二月丙申楊涉罷三月鎮南軍節度使劉鄩及晉

人戰于故元城敗績奔于滑州晉人取衛州惠州捉生都

人戰于故元城敗績奔于滑州晉人取衛州惠州捉生都

將李勣反伏誅夏六月捉生都將張溫叛降于晉秋七月
晉人取相州張筠奔于京師安國軍節度使閻寶叛附于
晉八月丁酉太子太保致仕趙光逢為司空燕門下侍郎
同中書門下平章事九月晉人取滄州橫海軍節度使戴
思遠奔于京師晉人克貝州守將張源德死之書死得其死也冬
十月丁酉中書侍郎鄭珣同中書門下平章事
三年夏四月辛卯右千牛衛大將軍劉瑗使于契丹冬十
二月宣義軍節度使賀瓌為北面行營招討使己巳如西
都卜郊晉人取楊劉

四年正月不克郊己卯至自西都夏四月己酉尚書吏部
侍郎蕭瑒為中書侍郎同中書門下平章事己巳趙光逢
罷冬十二月庚子朔賀瓌殺其將謝苻章孟審澄侯溫裕

癸亥瓌及晉人戰于胡柳敗績是歲泰寧軍節度使張守
進叛于晉亳州團練使劉鄩為兖州安撫制置使以討之

舊史不書其日其月故書于歲末為明年克交州張本

五年春正月晉軍于德勝用兵無勝敗不書此梁晉得失所繫故書也秋八月乙

未朔開封尹王瓚為北面行營招討使冬十月劉鄩克交
州張守進伏誅十二月晉人取濮陽天平軍節度使霍彥
威為北面行營招討使

六年夏四月己亥降死罪以下囚乙巳尚書左丞李琪為
中書侍郎同中書門下平章事河中節度使朱友謙襲同
州殺其節度使程全暉叛附于晉泰寧軍節度使劉鄩討
之秋七月陳州妖賊毋乙自稱天子九月庚寅供奉官郎
公遠為劫舟歡好使冬十月毋乙伏誅

龍德元年春趙將張文禮殺其君鎔來乞師不許文禮初為鎔養子號

王德明此書張文禮者見舊史也三月丁亥朔禁私度僧尼陳州刺史惠王友

能及夏五月丙戌朔德音改元降流罪已下囚秋赦友能

降封房陵侯天平軍節度使戴思遠為北面行營招討使

冬十月思遠及晉人戰于戚城敗績

二年春正月思遠襲魏州取成安秋八月滑州兵馬留後

段凝攻衛州執其刺史李存儒戴思遠克淇門共城新鄉

三年春三月潞州李繼韜叛于晉來附夏閏四月唐人取

鄆州晉未即位已自與梁為敵國至其建號於梁無所五月庚申宣

義軍節度使王彥章為北面行營招討使取德勝南城秋

八月段凝為北面行營招討使先鋒將康延孝叛降于唐

冬十月甲戌宣義軍節度使王彥章及唐人戰于中都敗

績死之凡官皆不重書自此書者嫌彥章早已罷招討使而與唐戰蓋罷使而別將以戰也唐人取曹州益

竊傳國寶奔于唐戊寅皇帝崩年三梁亡書曰梁亡見唐莊宗

立稱唐十月梁始亡見唐不待滅梁而立

五代史記卷第四

唐本紀四

宋歐陽脩撰徐無黨請妄盛高濂傳汝舟校

莊宗光聖神閔孝皇帝其先本號朱邪蓋出於西突厥至其後世別自號曰沙陀而以朱邪為姓唐德宗時有朱邪盡忠者居於北庭之金滿州貞元中吐蕃替普攻陷北庭徙盡忠於甘州而後屬之其後替益為回鶻所敗盡忠與其子執宜東走替普怒追之及于石門關盡忠戰死執宜獨走歸唐居鹽州以隸河西節度使范希朝希朝徙鎮太原執宜從之居之定襄神武川之新城其部落萬騎皆驍勇善騎射號沙陀軍執宜死其子曰赤心懿宗咸通十年神策大將軍康承訓統十八將討龐勛於徐州以朱邪赤心為太原行營招討沙陀三部落軍使以從破勛功拜

單于大都護振武軍節度使賜姓名曰李國昌以之屬籍
沙陀素彊而國昌恃功益橫恣懿宗患之十二年徙國昌
雲州刺史大同軍防禦使國昌稱疾拒命國昌子克用尤
善騎射能印中雙鳧為雲州守捉使國昌已拒命克用乃
殺大同軍防禦使段文楚據雲州自稱留後唐以太僕卿
盧簡方為振武節度使會幽并兵討之簡方行至鳳州軍
潰由是沙陀侵掠代北為邊患矣明年僖宗即位以謂前
太原節度使李業遇沙陀有恩而業已死乃以其子鈞為
靈武節度使宣慰沙陀六州三部落使六州三部落皆不見其名處據唐書除使
有此語爾以招緝之拜克用大同軍防禦使居久之國昌出擊党
項吐渾赫連鐸襲破振武克用聞之自雲州往迎國昌而
雲州人亦閉關拒之國昌父子無所歸因掠蔚朔間得兵

三千國昌入保蔚州克用還掠新城僖宗乃拜鐸大同軍
使以李鈞為代州招討使以討沙陀乾符五年沙陀破遼
虜軍又破蔚嵐軍而唐兵數敗沙陀由此益熾北據蔚朔
南侵忻代嵐石至于大谷馬廣明年招討使李琢會幽
州李可舉雲州赫連鐸擊沙陀克用與可舉相距雄武軍
其叔父友金以蔚朔州降于琢克用聞之遽還可舉追至
藥兒嶺大敗之琢軍夾擊又敗之于蔚州沙陀大潰克用
父子亡入達勒克用少驍勇軍中號曰李鷓兒其一目眇
及其貴也又號獨眼龍其威名著於代北其在達勒久之
鬱鬱不得志又常懼其圖已因時時從其群豪歛獵或掛
針于木或立馬鞭百步歟之輒中群豪皆服以為神黃巢
已陷京師中和五年代北起軍使陳景思發沙陀先所降

者與吐渾安廆等萬人赴京師行至絳州沙陀軍亂大掠而還景思克沙陀非克用不可將乃以詔書召克用於達靼承制以為代州刺史鴈門以北行營節度使率蕃漢萬人出石嶺關過太原求發軍錢節度使鄭從讜與之錢千緡米千石克用怒縱兵大掠而還二年十一月景思克用復以步騎萬七千赴京師三年正月出平河中進屯乾坑巢黨驚曰鴟兒軍至矣二月敗巢黨於石隄谷三月又敗趙璋尚讓於良田坡橫尸三十里是時諸鎮兵皆會長安大戰渭橋賊敗走入城克用垂小勝追之自光泰門先入戰春宮昇陽殿巢賊南走出藍田關京師平克用功第一天子拜克用檢校司空同中書門下平章事河東節度使以國昌為鴈門以北行營節度使十月國昌卒十一月

遣其弟克脩攻昭義孟方立取其澤潞二州方立走山東

以邢洛磁三州自別為昭義軍昭義軍在唐時跨山東西管五州至是澤潞入于晉邢洛

磁孟氏據之故當時有兩昭義黃巢南走至蔡州降秦宗權遂攻陳州四年

克用以兵五萬救陳州出天井關假道河陽諸葛爽不許

乃自河中渡河四月敗尚讓於太康又敗黃鄴于西華巢

且走且戰至中牟臨河未渡而克用追及之賊眾驚潰北

至封丘又敗之巢脫身走克用追之一日夜馳三百里至

于寃昫不及而還過汴州休軍封禪寺朱全忠饗克用於

上源驛夜酒罷克用醉卧伏兵發火起侍者郭景銖滅燭

匿克用牀下以水醒面而告以難會天大雨滅火克用得

從者薛鐵山智面鵲等隨雷光縋尉氏門出還軍中七月

至于太原訟其事于京師請加兵於汴遣弟克脩將兵萬

人屯于河中以待僖宗和解之用破巢功封克用隴西郡王光啓元年河中王重榮與宦者田令孜有隙徙重榮交州以定州王處存為河中節度使詔克用以兵護處存之鎮克用不備號重榮使人給克用曰天子詔重榮俟克用至與處存共誅之因為為詔書示克用曰此朱全忠之謀也克用信之八上表請討全忠僖宗不許克用大怒重榮既不肯徙僖宗遣邠州朱玫鳳翔李昌符討之克用反以兵助重榮敗玫于沙苑遂犯京師縱火大掠天子出居于興元克用退屯河中朱玫亦反以兵追天子不及得襄王煨迫之稱帝屯于鳳翔僖宗念獨克用可以破玫而不能使也當破黃巢長安時天下兵馬都監楊復恭與克用善乃遣諫議大夫劉崇望以詔書召克用且道復恭音使進兵

討玫等克用陽諾而不行明年孟方立死弟遷立大順元年克用擊破孟遷取邢洛滋三州乃遣安金俊攻赫連鐸於雲州幽州李匡威救鐸戰於蔚州金俊大敗於是匡威鐸及朱全忠等皆請因其敗伐之昭宗以克用破黃巢功高不可伐下其事臺省四品官議議者多言不可宰相張濬獨以謂沙陀前逼僖宗幸興元罪當誅可伐軍容使楊復恭克用所善也亦極諫以為不可昭宗然之詔諭全忠等全忠陰賂濬使持其議益堅昭宗不得已以濬為太原四面行營兵馬都統韓建為副使是時潞州將馮霸叛降于梁梁遣葛從周入潞州唐以京兆尹孫揆為昭義軍節度使克用遣李存孝執揆于長子又遣康君立取潞州十一月濬及克用戰于陰地濬軍三戰三敗濬建逃歸克用

兵大掠晉絳至于河中赤地千里克用上表自訴其辭慢侮天子為之引咎優詔谷之二年二月復拜克用河東節度使隴西郡王加檢校太師兼中書令四月攻赫連鐸于雲州圍之百餘日鐸走吐渾八月太鬼于太原出晉絳掠懷孟至于邢州遂攻王鎔于鎮州克用柵常山西以十餘騎渡滹沱覘敵遇大雨平地水深數尺鎮人襲之克用匿林中禱其馬曰吾世有太原者馬不嘶馬偶不嘶以免前軍李存孝取臨城進攻元氏李匡威救鎔克用還軍邢州景福元年王鎔攻邢州李存信李嗣勳等敗鎔于堯山二月會王虔存攻鎔戰于新市為鎔所敗八月李匡威攻雲州以李存克用之兵克用潛入于雲州返出擊匡威匡威敗走十月李存孝以邢州叛二年存孝求援於王鎔克用出

兵并陘擊鎔且以書招鎔而急攻其平山鎔懼遂與克用通和獻帛五十萬匹出兵助攻邢州乾寧元年三月執存孝殺之冬攻幽州李匡儔奔城走追至景城見殺以劉仁恭為留後二年河中王重盈卒其諸子珂珙爭立克用請立珂鳳翔李茂貞邠寧主行瑜華州韓建請立珙昭宗初兩難之乃以宰相崔胤為河中節度使既而許克用立珂茂貞等怒三鎮兵犯京師聞克用亦起兵乃皆罷去六月克用攻絳州斬刺史王瑤瑤珙弟助珙以爭者七月至于河中同州王行約奔于京師陽言曰沙陀十萬至矣謀奉天子幸邠州茂貞假子闡圭亦謀劫幸鳳翔京師大亂昭宗出居于石門克用軍留月餘不進昭宗遣延王戒不丹王允兄弟事克用且告急八月克用進軍渭橋以為邠寧四

面行營都統昭宗還京師十一月克用擊破邠州王行瑜走至慶州見殺克用還軍雲陽請擊茂貞昭宗慰勞克用使與茂貞解仇以紓難拜克用忠正平難功臣封晉王是時晉軍渭北遇雨六十日或勸克用入朝克用未決都押衙蓋寓曰天子還自石門寢朱安席若晉兵渡渭人情豈復能安勤王而已何必朝哉克用笑曰蓋寓猶不信我況天下乎乃收軍而還三年正月昭宗復以張濬為相克用曰此朱全忠之謀也乃上表曰若陛下朝以濬為相則臣將暮至闕廷京師大恐濬命遽止朱全忠之攻兗鄆也克用遣李存信假道魏州以救朱宣等存信屯莘縣軍士侵掠魏境羅弘信伏兵攻之存信敗走洛州克用自將擊魏戰于洹水亡其子落落六月破魏成安洹水臨漳等十餘

邑十月又敗魏人于白龍潭進攻觀音門全忠救至乃解四年劉仁恭叛晉克用以兵五萬擊仁恭戰于安塞克用大敗光化元年朱全忠遣葛從周攻下邢洛磁三州克用遣周德威出青山口遇從周于張公橋德威大敗冬潞州守將薛志勤卒李罕之據潞州叛附于朱全忠二年全忠遣氏叔琮攻破承天軍又破遼州至于榆次周德威敗之于洞渦秋李嗣昭復取澤潞三年嗣昭敗汴軍于沙河復取洛州朱全忠自將圍之嗣昭走至青山口遇汴伏兵嗣昭大敗秋嗣昭取懷州是歲汴人攻鎮定鎮定皆絕晉以附于朱全忠天復元年全忠封梁王梁攻下晉絳河中執王珂以歸晉失三與國乃下意為書幣聘梁以求和梁王以為晉弱可取乃曰晉雖請盟而書辭慢因大舉擊晉四

月氏叔琮入天井張文敬入新口葛從周入土門王處直
入飛狐侯言入陰地叔琮取澤潞其別將白奉國破承天
軍遼州守將張鄂汾州守將李瑋皆迎梁軍降晉人大懼
會天大雨霖梁兵多疾皆解去五月晉復取汾州誅李瑋
六月周德威李嗣昭取慈隰二年進攻晉絳大敗于蒲縣
梁軍乘勝破汾慈隰三州遂圍太原克用大懼謀出奔雲
州又欲奔匈奴未決而梁軍大疫解去周德威復取汾慈
隰三州四年梁遷唐都於洛陽改元曰天祐克用以謂劫
天子以遷都者梁也天祐非唐號不可稱乃仍稱天復五
年會契丹阿保機於雲中約為兄弟六年梁攻燕滄州燕
王劉仁恭來乞師克用恨仁恭反覆欲不許其子存勗諫
曰此吾復振之時也今天下之勢歸梁者十七八疆如趙

魏中山莫不聽命是自河以北無為梁患者其所憚者惟
我與仁恭耳若燕晉合勢非梁之福也夫為天下者不顧
小怨且彼常困我而我急其難可因以德而懷之是謂一
舉而兩得此不可失之機也克用以為然乃為燕出兵攻
破潞州梁圍乃解去以李嗣昭為潞州留後七年梁兵十
萬攻潞州圍以夾城遣周德威救潞州軍于亂柳冬克用
疾是歲梁滅唐克用復稱天祐四年正月辛卯克用卒年
五十二子存勗立葬克用於鴈門

嗚呼世久而失其傳者多矣豈獨史官之謬哉李氏之先
蓋出於西突厥本號朱邪至其後世別自號曰沙陀而以
朱邪為姓拔野古為始祖其自序云沙陀者北庭之磧也
當唐太宗時破西突厥諸部分同羅僕骨之人於此磧置

沙陀府而其始祖拔野古為都督其傳子孫數世皆為沙陀都督故其後世因自號沙陀然予考于傳記其說皆非也夷狄無姓氏朱邪部族之號耳拔野古與朱邪同時人非其始祖而唐太宗時未嘗有沙陀府也唐太宗破西突厥分其諸部置十三州以同羅為龜林都督府僕骨為金微都督府拔野古為幽陵都督府未嘗有沙陀府也當是時西突厥有鐵勒薛延陀阿史那之類為最大其別部有同羅僕骨拔野古等以十數蓋其小者也又有處月處密諸部又其小者也朱邪者處月別部之號耳太宗二十二年已降拔野古其明年阿史那賀魯叛至高宗永徽二年處月朱邪孤注從賀魯戰于牢山為契苾何力所敗遂沒不見後百五十六年當憲宗時有朱邪盡忠及子執宜見於中國而自號沙陀以朱邪為姓矣蓋沙陀者大磧也在金莎山之陽蒲類海之東自處月以來居此磧號沙陀突厥而夷狄無文字傳記朱邪又微不足錄故其後世自失其傳至盡忠孫始賜姓李氏後大而夷狄之人遂以沙陀為貴種云

五代史記卷第五

唐本紀五

宋歐陽脩撰徐無黨注明汪文盛高濂傅汝舟校

存勗克用長子也初克用破孟方立于邢州還軍上黨置酒三垂岡伶人奏百年歌至于衰老之際聲辭甚悲坐上皆悽愴時存勗在側方五歲克用慨然捋鬚指而笑曰吾行老矣此奇兒也後二十年其能代我戰于此乎存勗年十一從克用破王行瑜遣獻捷于京師昭宗異其狀貌賜以鸚鵡尾翡翠翠盤而撫其背曰兒有奇表後當富貴無忘予家及長善騎射膽勇過人稍習春秋通大義尤喜音聲歌舞俳優之戲天祐五年正月即王位于太原叔父克寧殺都盧侯李存質倖臣史敬鎔告克寧謀叛二月執而戕之且以先王之喪叔父之難告周德威德威自亂抑還軍

太原梁夾城兵聞晉有大喪德威軍且去因頗懈王謂諸將曰梁人幸我大喪謂我少而新立無能為也宜乘其怠擊之乃出兵趨上黨行至三垂崗歎曰此先王置酒處也會天大霧晝暝兵行霧中攻其夾城破之梁軍大敗凱旋告廟九月蜀王王建岐王李茂貞及楊崇本攻梁大安晉亦遣周德威攻其晉州敗梁軍于神山六年劉知俊叛梁來乞師王自將至陰地關遣周德威攻晉州敗梁軍于蒙阮七年冬梁遣王景仁攻趙趙王王鎔來乞師諸將皆疑鎔詐未可出兵王不聽乃救趙八年正月敗梁軍于柏鄉斬首二萬級獲其將校三百人馬三千匹進攻邢州不下留兵圍之去攻魏別遣周德威徇梁夏津高唐攻博州破東武朝城遂擊黎陽臨河淇門掠新鄉共城燕王劉守光

聞晉攻梁深入乃大治兵聲言助晉王患之乃旋師七月會趙王王鎔于承天軍劉守光稱帝于燕九年正月遣周德威會鎮定以攻燕守光求救於梁梁軍攻趙屠秦彊季存審擊走之八月朱友謙以河中叛于梁來降梁遣康懷英討友謙友謙復臣于梁而亦陰附于晉十年十月劉守光請降王如幽州守光背約不降攻破之十一年發燕王劉守光于太原用其父仁恭于鴈門剖心以祭墓也於是趙王王鎔北平王王處直奉冊推王為尚書令始建行臺七月攻梁邢州戰于張公橋晉軍大敗十二年魏州軍亂督德倫以魏博二州叛于梁來附王入魏州行至永濟誅其亂首張彥以其兵五百自衛號帳前銀鎗軍六月王無領魏博節度使取德州七月取澶州劉鄩軍于洹水王率百騎覘其

營遇郭伏兵圍之數重決圍而出亡七八騎八月梁復取
澶州日軍與郭對壘于莘晉軍數挑戰郭閉壁不出十三
年正月王留李存審于莘聲言而歸郭聞晉王且去即引
兵擊魏攻城東王行至貝州返擊郭大敗之追至于故元
城又敗之郭走黎陽三月攻梁衛州降其刺史來昭克磁
州殺其刺史靳昭四月克洛州八月圍邢州降其節度使
閻寶梁張筠奔相州戴思遠奔滄州而逃遂取二州貝州
人殺梁守將張源德以城降契丹寇蔚州執振武節度使
李嗣本十四年契丹寇新州遂寇幽州李嗣源擊走之冬
梁謝彥章軍于楊劉十二月攻楊劉王自負芻以堙漸去遂
破之十五年正月梁晉相拒于楊劉彥章決河水以隔晉
軍六月渡水擊彥章破其四寨八月大閱于魏合盧龍

海昭義安國及鎮定之兵十萬馬萬匹軍于麻家渡謝彥
章軍于行臺十二月進軍臨滌梁軍追之戰于胡柳晉軍
大敗周德威死之梁雷暮休于土山晉軍復擊大敗之遂
軍德勝為夾寨十六年正月王無領盧龍軍節度使梁王
瓚攻德勝南城不克十月廣德勝北城十二月敗梁軍于
河南十七年朱友謙罷同州梁遣劉鄩擊友謙李存審敗
梁軍于同州十八年正月魏州僧傳直獻唐受命寶一趙
將張文禮弒其君銘文禮來請命二月以文禮為鎮州兵
馬留後三月河中節度使朱友謙昭義軍節度使李嗣昭
橫海軍節度使李存審義武軍節度使王處直安國軍節
度使李嗣源鎮州兵馬留後張文禮領天平軍節度使閻
寶大同軍節度使李存璋振武軍節度使李存進匡國軍

節度使朱令德請王即皇帝位王三辭友謙等三請王曰
予當思之八月遣趙王王鎔故將符習及閻寶史建瑋等
攻張文禮於鎮州建瑋取趙州張文禮卒其子處瑾門城
拒守九月建瑋戰死十月梁戴思遠攻德勝北城李嗣源
敗之于戚城王處直叛附于契丹其子都幽處直以來附
十二月契丹寇涿州遂寇定州十九年正月敗契丹于新
城望都追奔至于幽州三月閻寶敗于鎮州以李嗣昭代
之四月嗣昭戰死以李存進代之八月梁取衛州九月存
進敗鎮人于東垣存進戰死十月李存審克鎮州王謙領
成德軍節度使

同光元年春三月李繼韜以潞州叛附于梁夏四月己巳
皇帝即位大赦改元國號唐行臺左丞相豆盧革為門下

侍郎右丞相盧程為中書侍郎同中書門下平章事

使郭崇韜昭義監軍張居翰為樞密使

始參用士人而與宰相推任鈞矣故與宰相並書以魏州為東京太原為西京鎮州為北

都閏月追尊祖考為皇帝妣為皇后曾祖執宜祖妣崔氏

皆謚曰昭烈廟號懿祖祖國昌祖妣秦氏皆謚曰文景廟

號獻祖考謚曰武廟號太祖立廟于太原自唐高祖太宗

懿宗昭宗為七廟

壬寅李嗣源取鄆州

五月辛酉梁人取德勝南城六月及王彥

章戰于新壘敗之是月盧程罷秋八月梁人克澤州

裴約死之九月戊辰李嗣源及王彥章戰于遼坊敗之冬

晉梁初已得澤州至此又屬晉而梁克之中間不見晉日得澤州年
月蓋舊史闕不書五代之亂戰爭攻以彼此得失不常多類此也守將

十月壬申如鄆州以襲梁其不備疾馳而入之故甲戌取中

都丁丑取曹州已卯滅梁敬翔自殺梁敬翔自為梁臣梁所以亡再期之

死罪囚流已下原之上月乙巳復北都為鎮州太原為

北都丙辰復汴州為宣武軍丁巳尚書左丞趙光胤為中

書侍郎禮部侍郎韋說同中書門下平章事戊午新羅國

王金朴英遣使者來辛酉復永平軍為西都甲子如洛京

弟繼達殺其兄繼儒于潞州繼儒以被殺書非不予其死若繼連

同壬辰敗于伊闕當時語十二月庚午朔至自汴州辛巳李繼韜伏誅繼韜之

二年春正月河南尹張全義及諸鎮進暖殿物已酉求唐

宦者凡書過惡辭無幾貶者由戊辰新羅國王金朴英及其泉

州節度使王逢規皆遣使來乙卯渤海國王王大諲譔使

大禹謨來庚申如河陽迎皇太后也太后曹氏莊宗母也莊宗即位遣

辛酉至自河陽丁卯七廟神主至自太原祔于太廟朝

獻于太微宮戊辰享于太廟二月己巳朔有事于南郊大

赦癸酉君唐臣上尊號曰昭文睿武光孝皇帝戊寅幸李嗣

源第癸未立劉氏為皇后五代十三君立后者七辭有不同立得其正

洛南郊立仗軍士等功臣庚申工部郎中李塗為檢視諸

陵使唐諸帝潞州將楊立及夏五月壬寅教坊使陳俊為

景州刺史內園栽接使儲德源為憲州刺史命官不書此丙

辰渤海國王王大諲譔遣使者來丙寅李嗣源克潞州不書命

直曰立其氏為皇后與得正同爾無褒貶也三月己酉党項來庚戌賜從平汴州及入

直曰立其氏為皇后與得正同爾無褒貶也三月己酉党項來庚戌賜從平汴州及入

直曰立其氏為皇后與得正同爾無褒貶也三月己酉党項來庚戌賜從平汴州及入

直曰立其氏為皇后與得正同爾無褒貶也三月己酉党項來庚戌賜從平汴州及入

六月丙子楊立伏誅己丑封回紇王仁美為英義可汗

秋七月己酉如雷山賽天神事也夷狄之八月大雨霖河溢九月

壬子置水于城門以禳災惑本紀書災不書異災惑為置水非禮

以修德水旱風蝗之類害物者災也故書其變逆甲寅幸郭崇韜第丙

辰黑水遣使者來冬十月癸未左龍威軍將趙暉妻一產

三男子此亦變異而書者重人事故謹之後世十一月癸卯畋于

伊闕丙午至自伊闕書至見其留四日而荒甚丁巳回鶻使都督安季想

來十二月庚午及皇后幸張全義第

三年春正月庚子如東京毀即位壇為鞠場二月己巳聚

鞠于新場乙亥畋鴈于王莽河辛巳突厥渾解樓勃海國

王大譴譔皆遣使者來畋鴈于北郊乙酉畋鴨于郭泊庚

寅畋鴈于北郊三月乙未寒食均燕于西郊俚俗之祭也非禮故書庚

申至自東京辛酉改東京為鄴都洛京為東都夏四月

乙亥及皇后幸郭崇韜朱漢賓第旱庚寅趙光胤薨五月

丁酉皇太妃薨廢朝五日太祖正室於莊宗為嫡母書太妃及輟朝見亂世禮壞而恩薄己酉黑

水女真皆遣使者來六月辛未宗正卿李紆為昭宗少帝

改卜園陵使少帝齊陰王也梁嘗謚曰哀皇括馬秋七月壬寅皇

太后崩不書冊皇太后已見上注八月癸未殺河南縣令羅貫九月庚子

魏王繼岌為西川四面行營都統郭崇韜為招討使以伐

蜀自六月雨至于是月丁巳畋鴈于尖山冬十月壬午奚

吐渾突厥皆遣使者來戊子葬貞簡太后于坤陵十一月

丁未高懸遣使者來己酉蜀王衍降唐兵入蜀不攻不戰君臣迎

後降郭崇韜殺王宗弼及其弟宗渥宗訓滅其族十二月

己卯畋于白沙癸未至自白沙閏月辛亥封弟存美為邕

昌黎王

王存霸永王存禮薛王存渥申王存乂睦王存確通王存

紀雅王

四年春正月壬戌降死罪以下囚甲子魏王繼岌殺郭崇

韜及其三子于蜀實皇后劉氏作教與繼岌使殺崇韜而書繼岌殺者繼岌將兵在外后教非天子命可止而不止

戊寅契丹使梅老鞋里來庚辰殺其弟睦王存乂及河中

護國軍節度使李繼麟滅其族乙酉沙州曹義金遣使者

來丙戌回鶻阿咄欲遣使者來丁亥殺李繼麟之將史武

薛敬容周唐殷楊師大王景來仁白奉國皆滅其族二月

己丑宣徽南院使李紹宏為樞密使癸巳鄴都軍將趙在

禮及于貝州反者比日不日獨在禮書日推迹其心可知爾其事具本傳蓋在禮初無亂心以是日見迫而反爾雖加以大惡之名

武寧軍節度使李紹筭討邢州軍將趙太及東北面招

討使李紹筭

討之甲辰成德軍節度使李嗣源討趙在禮

三月趙太伏誅李嗣源及博州守將崔建自稱刺史甲子

殺王衍滅甘族許其不廷降而殺之又滅其族於殺非罪也為甚而書無異辭者前書衍降義自見也乙丑如

汴州壬申次榮澤龍驤指揮使姚彥溫以前鋒軍叛降于

李嗣源嗣源父于汴州甲戌至自萬勝帝至萬勝鎮聞嗣源已入汴州乃還從

馬直指揮使郭從謙反夏四月丁亥朔皇帝崩年四十三帝尸

宗入洛得其骨葬之河南新安縣號

雍陵至晉避廟號更曰伊陵其不書葬與梁太祖同

五代史記卷第六

唐本紀六

宋歐陽脩撰徐無黨注明汪文盛高潛傅濬并校

明宗聖德和武欽孝皇帝世本夷狄無姓氏父霓為鴈門部將生子邈倍烈以騎射事太祖為人質厚寡言執事恭謹太祖養以為子賜名嗣源梁攻兗鄆朱宣朱瑾來乞師太祖遣李存信將兵三萬救之存信留莘縣不進使嗣源別以兵三千先擊梁兵梁兵解去存信留莘縣久之為羅弘信所襲存信敗走嗣源獨殿而還太祖以嗣源所將騎五百號橫衝都光化三年李嗣昭攻梁邢洛出青山遇葛從周兵嗣昭大敗走梁兵追之嗣源從間道後至謂嗣昭曰為公一戰乃解鞍礪鏃憑高為陣左右指畫梁追兵望之莫測嗣源急呼曰吾取葛公士卒可無動乃馳騎犯之

出入奮擊嗣昭繼進梁兵解去嗣源身中四矢太祖解衣
賜藥以勞之由是李橫衝名重四方梁晉相拒于柏鄉梁
龍驤軍以赤白馬為兩陣旗幟錯仗皆如馬色晉兵望之
皆懼莊宗舉鍾以飲嗣源曰卿望梁家赤白馬悲乎雖吾
亦怯也嗣源笑曰有其表爾翌日歸吾廄也莊宗大喜曰
卿當以氣吞之因舉鍾飲酣奮搃馳騎犯其白馬挾二裨
將而還梁兵敗以功拜代州刺史莊宗攻劉守光嗣源及
李嗣昭將兵三萬別出飛狐定山後取武媯儒三州莊宗
已平魏州因徇下懿相拜相州刺史昭德軍節度使久之
徙鎮安國契丹攻幽州莊宗遣嗣源與閻寶等擊走之同
光元年徙鎮橫海是時梁唐相拒于河上李繼韜以潞州
叛降梁莊宗有憂色召嗣源帳中謂曰繼韜以上黨降梁

而梁方急攻澤州吾出不意攻其鄆州以斷梁右臂可乎
嗣源對曰夾河之兵久矣苟非出奇則大計不決臣請獨
當之乃以步騎五千涉濟至鄆州鄆人無備遂襲破之即
拜天平軍節度使蕃漢馬步軍副總管梁軍攻破德勝南
柵莊宗退保楊劉王彥章急攻鄆州莊宗悉軍救之嗣源
為前鋒擊敗梁軍追至中都擒彥章及梁監軍張漢傑彥
章雖敗而段凝悉將梁兵屯河上莊宗未知所嚮諸將多
言乘勝以取青齊嗣源曰彥章之敗凝猶未知使其聞之
遲疑定計亦須三日縱使料吾所向亟發救兵必渡黎陽
數萬之衆舟楫非一日具也此去汴州不數百里前無險
阻方陣而行信宿可至汴州已破段凝豈足顧哉而郭崇
韜亦勸莊宗入汴莊宗以為然遣嗣源以千騎先至汴攻

封丘門王瓚開門降莊宗後至見嗣源大喜手攬其衣以頭觸之曰天下與爾共之拜中書令二年莊宗祀大南郊賜以鐵券五月破楊立于潞州六月徙鎮宣武兼蕃漢內外馬步軍總管冬契丹侵漁陽嗣源敗之于涿州三年徙鎮成德莊宗幸鄴請朝行在不許貞簡太后疾請入省又不許太后崩請赴山陵許之而契丹侵邊乃止十二月遂朝于洛陽

天成元年實向光四年而書天成元年者大赦改元文見下可知莊宗本紀自書向光四年各從其所稱既曰改元不濼二號也

郭崇韜宋友謙皆以讒死嗣源以名位高亦見疑忌趙在禮及於魏大臣皆請遣嗣源討賊莊宗不許羣臣屢請莊宗不得已遣之三月壬子嗣源至魏屯御河南在禮登樓謝罪甲寅軍變嗣源入于魏與在禮合夕出止魏縣丁

已以其兵南遣石敬瑭將二百騎為先鋒嗣源行過鉅鹿掠小坊馬二千匹以兵益軍壬申入汴州四月丁亥莊宗崩

已丑入洛陽甲午監國朝羣臣于興聖宮乙未中門使安重誨為樞密使殺元行欽及租庸使孔謙壬寅左驍衛大將軍孔循為樞密使丙午始奠于西宮

皇帝即位于柩前柩前即位謂君之禮也及逆之臣自立而用嗣君之禮書從其常員而不變文者蓋先已書及正其罪矣此書其實者見其猶存自愧之心而欲逃大惡之名也易斬縗以衾冕既用嗣君之禮矣遽釋縗而服冕故書以見其情詐壬

子魏王繼岌薨諸王薨不書此書者見明宗舉兵實及會從謙弒逆遂甲寅大赦改元渤海國王大諲譔使大陳林來是月張居翰

罷五月丙辰朔太子賓客鄭珪工部尚書任圜為中書侍郎同中書門下平章事戊辰趙在禮為義成軍節度使

始亂宜誅而明宗因之以反命以方鎮報其功也故書六月丁酉汴州控鶴軍亂指揮使張

諫殺其權知州事高逖已亥諫伏誅秋七月庚申安重誨
殺殿直馬延于御史臺門御史臺所以糾百官之不
法殺人于臺門惡其甚契丹使梅
老述骨來渤海使大昭佐來已卯貶豆盧革為辰州刺史
韋說叙州刺史甲申流革于陵州說于合州八月乙酉朔
陝州破石縣民高存妻二產三男子丁酉以象笏三十二
賜百官之無笏者見時朝廷衰
弱之甚故書閱稼于冷泉宮已亥契丹
寇邊丁未平盧軍節度使霍彥威殺其登州刺史王公儼
甲寅醫官張志忠為太原少尹九月己未幸至德宮及袁
建豐第冬十月丁亥雲南山後兩林百蠻都鬼主右武衛
大將軍李卑晚使大鬼主傅能何華來辛丑契丹使沒骨
餒來告阿保機哀廢朝三日旱辛亥雨
二年春正月癸丑朔更名會癸亥端明殿學士兵部侍郎

馮道太常卿崔協為中書侍郎同中書門下平章事二月

壬午朔新羅使張芬來西川節度使孟知祥殺其兵馬都

監李嚴丙申赦京師囚郭從謙為景州刺史既而殺之從謙
弒君

不討而命以官故書與在禮同罪宜誅而書殺
者明宗亦同罪不得行誅故以兩相殺書之戊戌山南東道節

度使劉訓為南面招討使以伐荆南是時荆南自絕於中國而附
吳不足有罪不書討而書

伐見非內臣不責其故三月壬子朔幸會節園群臣賀宴游幸若不過度
則小事也皆不

其將烏震新羅使林彥來夏四月庚寅盧臺軍將龍旺等

伏誅六月丙戌任圜罷庚子幸白司馬坡祭突厥神夷狄
之事

也秋七月甲子隨州刺史西方鄴取夔忠萬州癸酉殺豆

盧革韋說八月乙酉祥柯使宋朝化及昆明使者來九月

庚午党項使如連山來壬申契丹使梅老來冬十月乙酉

如汴州宣武軍節度使朱守殷及馬步軍都指揮使馬彥超死之已丑守殷自殺不書克汴州者天子自以兵討未嘗攻戰也

州故書乙未殺太子少保致仕任圜實安重誨矯詔殺之不書重誨自殺

辛丑德音釋輕較因是月傳箭前干霍彥威

十一月乙亥契丹使梅老來十二月己丑回鶻西界吐蕃

遣使者來申辰畋于東郊丙午追尊祖考為皇帝妣為皇

后高祖聿謚曰孝恭廟號憲祖祖妣劉氏謚曰孝恭昭曾

祖敖謚曰孝質廟號毅祖祖妣張氏謚曰孝質順祖琰謚

曰孝靖廟號列祖祖妣何氏謚曰孝靖穆考謚曰孝成廟

號德祖妣劉氏謚曰孝成懿立廟于應州

三年春正月丁巳契丹陷平州二月辛巳吐渾都督李紹

虜來乙未孔循罷戊戌回鶻使李阿山來三月丁未朔御

札求直言己未鄭珽罷癸亥成德軍節度使王建立為尚

書右僕射同中書門下平章事西方鄰克歸州戊辰宣徽

南院使范延光為樞密使夏四月戊寅延光罷乙酉達鞠

遣使者來義武軍節度使王都及壬寅歸德軍節度使王

晏球為北面行營招討使五月契丹禿餒入于定州辛酉

右衛上將軍趙敬怡為樞密使封回鶻可汗王仁裕為順

化可汗秋七月己未殺齊州防禦使曹廷隱八月盧龍軍

節度使趙德鈞執契丹首領惕隱赫藐慶州防禦使竇廷

琬及冬十月靜難軍節度使李敬周討之丁巳突厥使張

莫魯來十一月壬午吐渾使念九來甲午王建立罷十二

月李敬周克慶州竇廷琬伏誅辛亥辛康義誠第

四年春正月壬辰回鶻使掣撥都督來二月癸卯王晏球

五年春正月...

克定州王都自焚故辛酉晏安球獻馘俘趙敬怡薨丁卯崔協

薨庚午至自汴州三月丙戌殺姪從琛夏四月契丹寇雲

州癸丑契丹使捺括梅里來求未餒殺之甲寅端明殿學

士尚書兵部侍郎趙鳳為門下侍郎無工部尚書同中書

門下平章事五月己巳朝羣臣賀朔不日視朝而日賀朔者非

月賀朔出於道家之說自唐以來用之書之見亂世舉非禮視朝常事自不書爾五乙酉追謚少

帝曰昭宣光烈孝皇帝契丹寇雲中秋七月壬申殺右金吾

衛上將軍毛璋八月乙巳黑水使骨室來丁未吐渾首領念

公出來乙卯党項折遇明來己未高懸王建使張彬來九月

癸巳殺供奉官烏昭遇冬十二月辛丑殺西平縣令李商

長興元年春正月丁卯閱馬于苑辛卯宣徽南院使

朱弘昭為大內留守二月戊戌黑木兀兒遣使者來乙

巳天雄軍節度使石敬瑭為御營使癸丑朝獻于太微宮

甲寅享于太廟乙卯有事于南郊大赦改元三月庚寅立

淑妃曹氏為皇后夏四月戊戌安重誨使河中衙內指揮

使楊彥溫逐其節度使從珂壬寅西京留守索自通侍衛

步軍指揮使藥彥稠討之辛亥自通執彥溫殺之彥溫雖有罪有命獲

而勿殺自通擅殺之故不書誅而書殺戊午羣臣上尊號曰聖明神武文德恭孝

皇帝辛酉吐蕃首領千撥首來五月丁丑回鶻使孽栗祖

來庚辰回鶻使安黑連來秋七月壬午訪莊宗子孫痊所

莊宗子孫而不知痊所見明宗舉兵不順禍害所罹者可哀也於此始求之見事緩而無恩八月乙未忠武軍節

度使張延朗為三司使三司使始於此而今遂因之壬寅殺捧聖都軍使

李行德大將張儉滅其族吐渾來附封子從榮為秦王戊

申海州將王傳極殺其刺史陳宣叛于吳來降乙卯吐渾使

五代史記

康合畢來丙辰封子從厚為宋王九月壬戌吐蕃使王滿
儒來東川節度使董璋友甲申成德軍節度使范延光為
樞密使丁亥石敬瑭為東川行營都招討使冬十月丁酉
始藏冰甲辰驍衛上將軍致仕張筠進助軍粟乙巳董璋
陷閬州殺節度使李仁矩指揮使姚洪死之孟知祥友十
一月庚申朔秦王從榮受冊謁于太廟冊禮發於亂世至此始一行之故書丙戌
契丹東丹王突欲來奔夷狄不可以禮義責故不曰叛于契丹十二月丁未二
王後秘書丞鄼國公楊仁距卒廢朝一日丁巳回鶻順化
可汗王仁裕使程末斯來安重誨討董璋不命將名直以樞密使往沙州
曹義金遣使者來

二年春正月戊辰党項使折七移來庚辰達怛使列六薛
孃居來二月丁酉幸安元信第戊戌突厥使杜阿熟吐渾

使康萬琳來辛丑安重誨罷三月趙鳳罷丁亥太常卿李
愚為中書侍郎同中書門下平章事夏四月甲辰宣徽北
院使趙延壽為樞密使甲寅董璋陷遂州武信軍節度使
夏魯奇死之乙卯旱赦流罪以下囚閏五月丁酉殺太
子太師致仕安重誨及其妻張氏子崇贊崇緒秋八月己
未契丹使邪姑兒來九月丁亥放五坊鷹隼冬十一月戊
申吐蕃遣使者來辛丑旌表棗州民刑釗門閭干戈之世于道息而禮義
亡民猶有自知孝悌而待君廷表猶有勸民之意故兩善而書之十二月甲寅朔除鐵禁初稅農具
錢至今因之故書己未西涼府遣使者來己巳回鶻使安永思來
辛未渤海使文成角來党項寇方渠

三年春正月庚子契丹使拽骨來己酉渤海回鶻皆遣使
者來二月己卯靜難軍節度使藥彥稠及党項戰于牛兒

谷敗之三月甲申契丹遣使者來夏四月庚申新羅遣使
者來五月己丑二王後詹事司直楊延紹襲封鄆國公丙
午孟知祥攻董璋陷綿州六月甲寅封王建為高麗國王
大義軍使孟知祥殺董璋陷東川達觀首領胡哥以其族
來附秋八月己卯吐蕃遣使者來冬十月庚申辛石敬瑭
第

四年春正月庚寅端明殿學士兵部侍郎劉昫為中書侍郎
同中書門下平章事二月戊午孟知祥使朱滉來十國外而不書

此書者知祥本唐臣而反至此改過自歸絕之則嫌不許其自
新錄之則尚其其惡善然其來也臣禮不備故如夷狄書之三月甲

辰追冊晉國夫人夏氏為皇后夏五月戊寅封子從珂為

潞王從珂非子而書子與梁博王友文同從益許王姪從溫克王從璋洋王從

敏溼王丙戌契丹使述骨卿來秋七月乙未回鶻都督李

末來獻白鶻命放之八月戊申十六赦九月戊戌趙延壽罷

山南東道節度使朱弘昭為樞密使冬十月庚申范延光

罷三司使馮贇為樞密使壬申辛壬和亭得疾書得疾為從

十一月壬辰秦王從榮以兵入興聖宮不克伏誅君病不侍疾以兵求

使康義誠殺三司使孫岳戌戌皇帝崩于雍和殿年六十三清泰元年死

南洛陽縣號激陵雖得其死而為賊所葬故亦不書葬

嗚呼自古治世少而亂世多三代之王有天下者皆數百

年其可道者數君而已况於後世邪况於五代邪子聞長

老為子言明宗雖出夷狄而為人純質寬仁愛人於五代

之君有足稱也嘗夜焚香仰天而祝曰臣本蕃人豈足治

天下世亂久矣願天早生聖人自初即位減罷宮人伶官

廢內藏庫四方所上物悉歸之有司廣壽殿火災有司理之
請加丹雘喟然嘆曰天以火戒我豈宜增以侈邪歲嘗旱
已而雪暴坐庭中詔武德司宮中無得掃雪曰此天所以
賜我也數問宰相馮道等民間疾苦聞道等言穀帛賤民
無疾疫則欣然曰吾何以堪之當與公等作好事以報上
天吏有犯贓輒寘之死曰此民之蠹也以詔書褒庶吏孫
岳等以風示天下其愛人恤物蓋亦有意於治矣其即位
時春秋已高不適聲色不樂遊畋在位十年於五代之君
最為長世兵革粗息年屢豐登生民實賴以休息然夷狄
性果仁而不明屢以非辜誅殺臣下至於從榮父子之間
不能慮患為防而變起蒼卒卒陷之以大惡帝亦由此歛
恨而終當是時大理少卿康澄上疏言時事其言曰為國

家者有不足懼者五深可畏者六三辰失行不足懼天象
變見不足懼小人訛言不足懼山崩川竭不足懼水旱蟲
蝗不足懼也賢士藏匿深可畏四人遷業深可畏上下相
徇深可畏廉耻道消深可畏毀譽亂真深可畏直言不聞
深可畏也識者皆多澄言切中時病若從榮之變任圜安
重誨等之死可謂上下相徇而毀譽亂真之蔽矣然澄之
言豈止一時之病凡為國者可不戒哉

登光政門樓存問軍民辛亥殺司衣王氏癸丑始聽政乙卯殺司儀康氏丁巳馮道為大行皇帝山陵使戶部尚書韓彥輝為副中書舍人王延為判官禮部尚書王權為禮儀使兵部尚書李璘為鹵簿使御史中丞龍敏為儀仗使左僕射權判河南府盧質為橋道頓遞使丁卯禪

應順元年春正月壬申朔視朝于廣壽殿著非禮也乙亥契丹

使都督沒辣于來戊寅大赦改元用樂回鶻可汗王仁美

遣使者來沙州瓜州遣使者來乙未朱弘昭馮贇獻錢助

作山陵閏月丙午冊皇太后不書姓氏不曰冊其人為皇太后者母尊不可斥其事自見於傳也

甲寅冊太妃王氏北京留守石敬瑭獻銀絹助作山陵二

月庚寅視作山陵鳳翔節度使路王從珂反辛卯西京留

守王思同為西面行營都部署靜難軍節度使藥彥傳為

副三月丙辰思同兵潰嚴衛指揮使尹暉羽林指揮使楊

思權以其軍叛降于從珂辛酉殺侍衛親軍馬軍都指揮

使朱弘實癸亥河陽三城節度使康義誠為鳳翔行營都

招討使王思同為副西京副留守劉遂雍叛降于從珂思

同奔歸于京師不克死之丁卯京城巡檢使安從進叛殺

馮贇朱弘昭自殺從進傳其二首于從珂戊辰如衛州書不

帝崩者當於廢帝紀書紘鄂王也

廢帝鎮州平山人也本王氏其世微賤母魏氏少寡明宗

為騎將過平山掠得之魏氏有子阿三已十餘歲明宗養

以為子名曰從珂及長狀貌雄偉謹信寡言而驍勇善戰

明宗甚愛之自晉兵戰梁于河上從珂常立戰功莊宗呼

其小字曰阿三不徒與我同年其敢戰亦類我同光二年

為衛州刺史突騎指揮使戍于石門明宗討趙在禮自魏
反兵而南從珂率戍兵自由陽孟縣馳出常山以追明宗
明宗之南也兵少得從珂兵在後而軍聲大振明宗入立
拜從珂河中節度使封潞王是時明宗春秋已高王於諸
子次最長樞密使安重誨患之乃矯詔河中裨將楊彥溫
使圖之王閱馬于黃龍莊彥溫即閉門拒之王止于虞鄉
以聞明宗召王還京師居之清化里第重誨數請行軍法
明宗不聽後重誨見殺乃起王為左衛大將軍西京留守
長興三年為鳳翔節度使王子重吉自明宗特興禁兵為
控鶴指揮使愍帝即位朱弘昭馮斌具用事乃罷重吉兵職
出為亳州團練使又徙王為北京留守不降制書而宣授
又以李從璋為代初安重誨得罪罷河中以從璋為代而

重誨見殺故王益自疑遂據城反愍帝遣王忠嗣會諸鎮
兵討之忠嗣戰敗走諸鎮兵皆潰

清泰元年三月丁巳王以兵東庚申次長安西京副留守

劉遂雍叛于唐來降甲子次華州執藥彥稠丙寅次靈寤

河中安彥威陝州康思立叛于唐來降己巳次陝州康義

誠叛于唐來降殺宣徽使孟漢瓊愍帝出居于衛州夏四

月壬申入京師馮道率百官迎王于蔣橋王辭不見入哭

于西宮遂見羣臣道拜王答拜入居于至德宮癸酉以太

后令降天子為鄂王命王監國乙亥皇帝即位丙子率河

南民財以賞軍丁丑借民房課五月以賞軍戊寅弒鄂王

義誠及藥彥稠義誠教于愍帝罪且日誅五月丙午端明

義誠及藥彥稠而愍帝同惡相殺故書殺

殿學士左諫議大夫韓昭胤為樞密使莊宅使劉延朗為
樞密副使庚戌馮道罷天雄軍節度使范延光為樞密使
甲寅賜勸進選人宗子官六月庚辰幸范延光及索自通
第秋七月辛亥太常卿盧支紀為中書侍郎同中書門下
平章事丁巳立沛國夫人劉氏為皇后八月辛未尚書左
丞姚頴為中書侍郎同中書門下平章事許御署官選
官疑是廢帝初舉兵時所置之官以其非吏部正授故須有旨方
得選此於事無勸戒不必書以稽史不詳故存所不知慎傳疑也
九月契丹寇邊冬十月戊寅李愚劉昫罷十二月乙亥雄
武軍節度使張延朗為中書侍郎同中書門下平章事契
丹寇雲州庚寅幸龍門旱
二年春二月甲戌范延光罷己丑追尊魯國大夫人魏氏
為皇太后非嫡母故詳其爵氏三月辛丑忠武軍節度使趙延壽為

樞密使夏五月辛卯宣徽南院使劉延皓為樞密使契丹
寇邊六月癸未羣臣獻添都馬都者軍伍之名秋七月丁酉回鶻
可汗王仁美使其都督陳福海來劉延皓罷九月己酉刑
部尚書房曷為樞密使乙卯渤海遣使者來

三年春正月乙未百濟遣使者來丁未封子重美為雍王
三月丙午翰林學士禮部侍郎馬胤孫為中書侍郎同中
書門下平章事河東節度使石敬瑭反夏五月乙卯建雄
軍節度使張敬達為太原四面都招討使義武軍節度使
楊光遠為副戊申先鋒指揮使安審信叛降于石敬瑭己
酉振武戍將安重榮叛降于石敬瑭壬子天雄軍屯駐捧
聖都虞候張令昭逐其節度使劉延皓六月癸亥以令昭
為右千牛衛將軍權知天雄軍府事任命官不書以書甲戌以者明令昭猶可以

宣武軍節度使范延光為天雄軍四面招討使秋七月戊申克魏州壬子張令昭伏誅癸丑彰聖指揮使張萬迪叛降于石敬瑭八月戊午契丹使梅里來九月甲辰張敬達及契丹戰于太原敗績契丹圍敬達于晉安戊申如河陽冬十月壬戌括馬籍民為兵十一月戊子盧龍軍節度使趙德鈞為行營都統丁酉契丹立晉閏月甲子楊光遠殺張敬達以其軍叛降于契丹敬達不書死之而書殺者敬達大將恒以義責光遠而誅之雖不果而見殺猶為得死乃光遠甲戌契丹及晉人至于潞州丁丑至自河陽辛巳皇帝崩年五十三帝自林火死晉高祖命葬其盧骨於徽陵域中嗚呼君臣之際可謂難哉蓋萌者慮於未萌而前知暗者告以將及而不懼故先事而言雖忠而不信事至而悔其可及乎重誨區區獨見潞王之禍而謀之不藏至於殞身

赤族其隙自茲及愍帝之亡也穴於徽陵其土一壠路人見者皆為之悲使明宗為有知其有媿於重誨矣哀哉

五代史記卷第七

五代史記卷第八

晉本紀八

宋歐陽脩撰徐無黨注明汪文盛高敏傳汝舟校

高祖聖文章武明德孝皇帝其父臬揆鷄本出於西夷自朱邪歸唐從朱邪入居陰山其後晉王李克用起於雲朔之間臬揆鷄以善騎射常從晉王征伐有功官至洛州刺史臬揆鷄生敬瑭其姓石氏不知得其姓之始也敬瑭為人沈厚寡言明宗愛之妻以女是為永寧公主由是常隸明宗帳下號左射軍莊宗已得魏梁將劉鄩急攻清平莊宗馳救之兵未及陣為鄩所掩敬瑭以千餘騎橫擊馳擊取之以旋莊宗拊其背而壯之手唱以酥唱酥夷狄所重由是名動軍中十五年莊宗戰於胡柳前鋒周德威戰死敬瑭以佐射軍從明宗復擊敗梁兵明宗戰胡盧套揚村

為梁兵所敗敬瑭常脫明宗於危趙在禮之亂明宗討之至魏而兵變明宗初欲自歸于天子明已所以不反者敬瑭獻計曰豈有軍變於外上將獨無事者乎且猶豫者兵家大忌不如速行願得騎兵三百先攻汴州夷門天下之要害也得之可以成事明宗然之與之驍騎三百渡黎陽為前鋒明宗遂入汴莊宗自洛後至不得入而兵皆潰去莊宗西還明宗以敬瑭為前鋒趣汜水且收其散卒莊宗遇弒明宗入立拜敬瑭保義軍節度使賜號竭忠建策興復功臣兼六軍諸衛副使在陝為政以廉聞是時諸侯多不奉法鄧州陶玘亳州李鄴皆以賊汙論死明宗下詔書褒廉吏並州安崇院洛州張萬進耀州孫岳等以諷天下而以敬瑭為首天成二年十月從幸汴州為御營使拜宣

武軍節度使侍衛親軍馬步軍都指揮使六軍副使如故改賜耀忠匡定保節功臣三年四月徙鎮天雄拜同中書門下平章事興唐丑五月拜駙馬都尉董璋及東川為行營都招討使不克而還復兼六軍諸衛副使徙鎮河陽三城未行而契丹吐渾突厥皆入寇是時秦主從榮統六軍敬瑭疑其必及禍不欲為其副乃自請行及制出不樂副使輒復辭行明宗數責大臣問誰可行者范延光趙延壽等卒以敬瑭為請乃拜河東節度使大同彰國振武威塞等軍蕃漢馬步軍惣管落六軍副使乃行明年明宗崩愍帝即位加中書令二月徙鎮成德清泰元年五月復鎮太原來朝京師潞王從珂反於鳳翔愍帝出奔遇敬瑭于道敬瑭殺帝從者百餘人幽帝于衛州而去廢帝即位疑敬

塘必反

天福元年五月徙鎮天平敬瑭果不受命謂其屬曰先帝受吾太原使老為今無故而遷是疑吾反也且大原地險而粟多吾當與檄諸鎮外求援於契丹可乎棗維翰劉知遠等共以為然乃上表論廢帝不當立請立許王從益為明宗嗣廢帝下詔削奪敬瑭官爵命張敬達等討之敬瑭求援於契丹九月契丹耶律德光入白馬門與唐兵戰敬瑭大敗敬瑭夜出北門見邪律德光約為父子十一月丁酉皇帝即位於廢帝本紀書契丹立並曰據所見也於此書皇帝即位必自立蓋其志在於為帝故使自任其惡也國號晉以幽涿薊檀順瀛漢蔚朔雲應新媯儒武寰州入于契丹已亥大赦改元掌書記棗維翰為翰林學士尚書禮部侍郎知樞密使事閏月丙寅翰

林學士承旨尚書戶部侍郎趙瑩為門下侍郎棗維翰為中書侍郎同中書門下平章事兼樞密使甲戌趙德鈞及其子延壽叛于唐來降契丹鏢之以歸已卯次河陽節度使甚從簡叛于唐來降是日廢帝由在辛巳至自太原盧文紀姚顛罷甲申大赦殺張延朗劉延朗赦房暉十二月乙酉如河陽追降王從珂為庶人王從珂從丁酉入本語丁亥司空馮道兼門下侍郎同中書門下平章事己丑曹州指揮使石重立殺其刺史鄭玩辛卯御札求直言癸巳鎮州大內都虞候祕瓊逐其節度副使李彥琦同州裨將門鐸殺其將楊漢賓庚子天平軍節度使王建立殺其副使李彥斌晉二年春正月癸亥安遠軍節度使盧文進叛降于吳丁卯天雄軍節度使范延光殺解州防禦使祕瓊戊寅兵部侍

郎李崧為中書侍郎同中書門下平章事樞密使封唐宗

室子為公及隋鄭公為二王後以周介公備二洛唐宗室子

書之以見二王後三格猶存不必著其人也二月丁酉契丹使皇太子解里來三月

庚辰如汴州夏四月丁亥赦囚蠲民租賦趙崇使于契丹

辛卯宣武軍節度使楊光遠進助國錢契丹使宮死使李

可興來五月壬戌御札求直言丁丑追尊祖考為皇帝妣

為皇后高祖諡曰孝安廟號靖祖妣秦氏諡曰孝安

元曾祖柳諡曰孝簡廟號肅祖妣安氏諡曰孝簡恭祖

是諡曰孝平廟號睿祖妣來氏諡曰孝平獻考紹繼諡

曰孝元廟號獻祖妣何氏諡曰孝元懿六月癸未契丹使

夷離畢來天雄軍節度使范延光反丁酉傳箭于義成軍

節度使符彥饒丁未楊光遠為魏府四面行營都部署東

都巡檢張從賓反留守判官李遵死之奉國都指揮使侯

益護聖都指揮使杜重威討之從賓寇河陽殺皇子重乂

寇河南殺皇子重信秋七月從賓陷汜水關殺巡檢使宋

廷浩壬子右衛大將軍尹暉叛奔于吳不克伏誅右監門

衛大將軍婁繼英投降降于張從賓義成軍亂殺戍將侍衛

馬步軍都指揮使白奉進甲寅戌將奉國都指揮使馬萬執

符彥饒歸于京師命殺之于赤岡彥饒雖有縱軍之罪被誣

命殺嫌乙卯楊光遠為魏府行營都招討使辛酉杜重威

克汜水關張從賓投河死壬申楊光遠克博州丙子安州屯

防指揮使王暉殺其節度使周瓌右衛大將軍李金全討

之金全未至而暉走見殺故不書暉反不書見安州不書暉誅八月丙申靜難軍節度使安

叔千進添都馬乙巳赦非死罪囚及張從賓符彥饒王暉

餘黨九月楊光遠進粟冬十月辛巳禁造甲兵

三年春二月戊戌諸鎮皆進物以助國錢民以獻其上君臣同

勝其多矣故物言諸三月壬戌回鶻可汗王仁美使翟全福

來丁丑林示私造銅器秋七月辛酉以皇業錢作受命寶

契丹冊禮使壬午澶州刺史馮暉降丙戌許御署官選已

丑蠲水旱民稅辛丑歸伶官于契丹高祖以父事契丹其有

若輪九月己酉赦范延光初延光請降高祖不許延光遂堅壁

已未歸靜鞭官劉守威金吾勛契官王殷司大鷄叫學生

殷暉于契丹于闐使馬繼榮來回鶻使李萬金來己巳赦

魏州蠲民稅是月宣徽南院使劉處讓為樞密使冬十月

戊寅契丹使中書令韓頊來奉冊曰英武明義皇帝庚辰

升汴州為東京以洛陽為西京雍州為晉昌軍戊子右金

五衛大將軍馬從斌使于契丹己未契丹使梅里來戊戌

大赦庚子封李聖天為大寶于闐國王十一月辛亥升廣

晉府為鄴都壬戌除鑄錢令十二月丙子封子重貴為鄭

王

四年春正月盜發唐愍皇帝墓愍帝附于明宗徽陵域中無

謚為愍皇帝五代諸帝謚號不可為法皆不足道惟愍帝宜書者無

常降為鄂王也而國亡禮闕舊史實錄皆無奏謚上冊月口故雖當

書而不得因事辛亥澶州防禦使張從恩為樞密副使旌

表深州民李自倫門閭三月乙亥回鶻使其都督拽里敦

來丙辰頒調元歷靈州戍將王彥忠以懷遠城反己未彥

忠降供奉官齊延祚殺之夏四月辛巳封回鶻可汗王仁

美為奉化可汗甲申廢樞密使秋七月丙辰復林示鑄錢閏

月壬申辛維翰罷八月己亥朔河決博平西戎寇涇州彰
義軍節度使張彥澤敗之執其首領野啜羅蝦獨九月丁
丑契丹使粘木孤來祭未封李從益為郾國公以奉唐後
丙戌高麗王建使其廣評侍郎邢順來冬十一月乙亥立
唐高祖太宗莊宗明宗愍帝廟于西京戊子契丹使遙折
來吐蕃羅延族來附

五年春正月丁卯朔德音除民公私債己丑回鶻使石海
金來夏四月甲子契丹興化王來五月丙戌安遠軍節度
使李金全叛附于唐六月癸卯李昇遣其將李承裕入于
安州金全奔于唐安遠軍節度使馬全節及承裕戰敗之
丁巳克安州承裕奔于雲夢全節執而殺之秋八月丁酉
闕稼于西郊己未西京留守楊光遠殺太子太師范延光

九月丁卯翰林學士承旨戶部侍郎和凝為中書侍郎同
中書門下平章事辛巳闕稼于沙臺冬十月丁未契丹使
舍利來十一月丙子冬至始用二舞

六年春正月戊寅封唐叔虞為興安王臺駘為昌寧公二
月戊申停買宴錢三月除民二年至四年以前稅見時款重而民不堪

夏四月己未契丹使述括來五月吐渾首領白承福來秋

七月壬午突厥使薛同海來八月壬辰如鄴都開封尹鄭

王重貴留守東京宣徽南院使張從恩東京內外兵馬都

監壬寅大赦甲寅光祿卿張澄使于契丹九月乙亥前安

國軍節度使楊彥詢使于契丹丁丑吐渾使白可久來河

決中都入于沓河冬十月河決滑濮鄆澶州山南東道節

度使安從進反十一月丁丑西京留守高行周為南面軍

前都部署以討之十二月丙戌朔鄭王重貴為廣晉尹徙封齊王先鋒都指揮使郭海金及安從進戰于唐州敗之成德軍節度使安重榮反天平軍節度使杜重威為鎮州行營招討使丙申契丹遣使者來戊戌杜重威及安重榮戰于宗城敗之

七年春正月丁巳克鎮州安重榮伏誅赦廣晉庚午契丹使達刺來三月歸德軍節度使安彥威塞泚河于滑州閏月大興蝗食麥夏五月乙巳尊皇太后劉氏為太后高祖所生也六月丙辰吐渾使念醜漢來乙丑皇帝崩于寶昌殿年

五代史記卷第八

五代史記卷第九

晉本紀九

宋歐陽脩撰徐無黨注明汪文盛高澂傳汝舟校

出帝父敬儒高祖兄也為唐莊宗騎將早卒高祖以其子重貴為子高祖六子五皆早死而重睿幼故重貴得立重貴少而謹厚善騎射高祖使博士王震教以禮記又之不能通大義謂震曰此非我家事也高祖為契丹所立謀以一子留守太原契丹使盡出諸子自擇之指重貴曰此眼大者可也遂拜金紫光祿大夫行太原尹北京留守知河東節度事天福二年九月召拜左金吾衛上將軍二年冬為開封尹封鄭王加大尉同中書門下平章事六年高祖幸鄴留守東京已而為廣晉尹徙封齊王七年六月乙丑高祖崩皇帝即位于柩前庚午使右驍衛將軍石德超以

御馬二撲祭于相州之西山夷狄之禮也如京師使李仁廓使于

契丹契丹使梅李來丙子馮道為大行皇帝山陵使門下

侍郎竇貞固為副大常卿崔杲為禮儀使戶部侍郎呂琦

為鹵簿使御史中丞王易簡為儀仗使舊史實錄無橋道頭

漢高祖亦然已卯四方館使朱崇節右金吾衛大將軍梁言使

于契丹秋七月壬辰皇祖母劉氏崩輟視朝三日高祖所主

時尊為皇太后矣其崩也喪葬不用后禮見恩禮之薄不書曰皇太后者於帝為祖母也曰山明正其名也丁酉使石德

超撲馬于相州之西山前已備見庚子大赦甲辰契丹使通

事來八月戊午高行周克襄州安從進自焚死庚申天平

軍節度使景延廣義成軍節度使李守貞彰德軍節度使

郭謹進錢粟助作山陵甲子契丹使郎五來庚午葬皇祖

母于魏縣癸酉契丹使其客省使張九思來九月辛卯李

守貞為大行皇帝山陵都部署冬十月己未契丹使舍利

來庚午回鶻遣使者來十一月契丹使大卿來庚寅葬聖

文章武孝皇帝于顯陵陵在河南壽安縣五代之亂至此七君

不克葬至廢帝時始克葬故皆不書至此始見子得葬其父故并附廟詳書之己亥牛羊使董殷使于

契丹庚子祔高祖神主于太廟辛丑蠲高祖靈車所過民

租之半十二月庚午北京留守劉知遠進百頭宮廬宮廬

之用契丹于越使令骨支來辛未又使野里已來丙子于

闐使都督劉再昇來沙州曹元深瓜州曹元忠皆遣使附

再昇以來旱蝗八年春正月契丹于越使烏多奧來三月

壬子景延廣為御營使己未如東京赦廣晉府囚庚申次

澶州赦囚乙丑至自鄴都庚午寒食望祭顯陵于南莊焚

御衣紙錢焚衣之類皆問巷人之事也天子見禮樂壞甚三月己卯朔趙瑩罷晉

昌軍節度使桑維翰為侍中辛丑引進使大府卿孟承誨
使于契丹蝗夏四月庚午董殷使于契丹以奉官張福率
威順軍捕蝗于陳州五月泰寧軍節度使安審信捕蝗于
中都丁亥追封皇伯敬儒為宋王癸卯馮道罷甲辰以蝗
旱大赦六月庚戌祭蝗于臯門癸亥供奉官七人帥奉國
軍捕蝗于京畿辛未括借民粟殺藏粟者秋七月甲午冊
皇太后丁酉射于南莊契丹使梅里等來甲辰供奉官李
漢超帥奉國軍捕蝗于京畿八月丁未朔募民捕蝗易以
粟辛亥檢民青苗九月戊寅尊奉國夫人安氏為皇太妃
丙申幸大年莊及景苑廣第冬十月戊申立馮氏為皇后
馮氏於帝為叔母壬子畋于近郊沙高去丙寅劫丹使通事劉胤
來庚午括借民粟十一月己卯董殷使于契丹甲申幸八

角閼馬牧乙未契丹使梅里來戊戌齊州刺史楊承祚奔
于青州辛丑高麗使其廣評侍郎金仁逢來十二月癸丑
給事中邊光範登州刺史郭彥威使于契丹甲寅高麗使
太相來平盧軍節度使楊光遠反淄州刺史翟進宗死之
開運元年春正月甲戌朔契丹寇滄州己卯陷貝州庚辰
歸德軍節度使高行周為北面行營都部署契丹入鴈門
寇代州辛巳毀直王班使于契丹至于鄴都不得進而復
晉自高祖以父事契丹甚謹而歲時遣使舊史實錄皆不書至出帝
立使者有虧午不絕不可勝數故其官卑者皆畧而不書班以不得進
故大饑壬午前靜難軍節度使李同留守東京景延廣為
御營使乙酉北征丙戌契丹寇黎陽辛卯講武于澶州契
丹屯于元城趙延壽寇南樂甲午劉知遠為幽州道行營
招討使括馬丙申契丹寇黎陽辛丑劉知遠及契丹偉王

戰于秀容敗之博州刺史周儒叛降于契丹二月戊申前
軍都盧侯李守貞及契丹戰于馬家渡敗之癸丑北面行
營都盧侯馬全節及契丹戰于北平敗之三月癸酉及契
丹戰于戚城契丹去戰而兩各傷失收兵徐去晉不能追故以自去為文己丑冀州刺史
白從暉及契丹戰于衡水敗之癸巳籍民為武定軍夏四
月契丹陷德州沿河巡檢使梁進敗之取德州甲寅至自
澶州赦京師己未馬全節及契丹戰于定豐敗之辛酉率
借民財五月戊戌李守貞討楊光遠于亥鄴都留守張從
恩為貝州行營都部署辛卯李守貞為青州行營都部署
六月克淄州丙午復置樞密使丁未侍中葉維翰為中書
令文樞密使丙辰河決滑州環梁山入于汶濟秋七月辛
未朔大赦改元己丑太子太傅劉昫守司空兼門下侍郎

同中書門下平章事八月辛丑朔劉知遠為北面行營都
統順德軍節度使杜威為都招討使戊辰旌表陳州項城
民史仁誦門閭九月丙子契丹寇遂城樂壽代州刺史白
文珂及契丹戰于七里烽敗之冬十月庚戌武寧軍節度
使趙在禮為北面行營副都統鄴都留守馬全節為招討
使十二月己亥朔耿兔于臯門丁巳楊承勳囚其父光遠
以降殺之出帝已許其不死既而命李守貞自殺之故不書伏誅閏月乙酉德音赦青
州囚契丹寇恒州

二年春正月契丹陷秦州壬子馬全節及契丹戰于榆林
兩軍皆潰戊午幸南莊張從恩留守東都辛酉高行周為
御營使乙丑北征契丹去二月己巳幸黎陽橫海軍節度
使田武為東北面行營都部署有以備劫奔日以備契丹嫌契丹已去而命將

丙子大閱于戚城丙戌閱馬於鐵丘丙申端明殿學士尚書戶部侍郎馮玉為戶部尚書樞密使三月戊戌契丹陷祁州刺史沈斌死之丁未敗于戚城庚戌馬全節克秦州辛亥易州戍將孫方諫及契丹詣里戰于狼山敗之甲寅杜威克滿城乙卯克遂城庚申杜威及契丹戰于陽城敗之追奔至于衛村又敗之夏四月戊寅勞旋于戚地己卯勞旋于王莽河甲申至自澶州赦左右軍丙寅大賞軍功五月丙申朔大赦丙午幸南莊六月丁卯射于繁臺辛杜威第旱秋八月甲子朔廢二舞丙寅和凝罷馮玉為中書侍郎同中書門下平章事辛未閱馬于茂澤戊丁丑括馬九月己亥閱馬于萬龍岡辛李守貞第冬十月丁丑高麗使其廣評侍郎韓婁珪禮賓卿金廉等來戊寅射兔于硯臺戊子高麗使其兵部侍郎劉崇規內軍卿朴執言來十一月戊戌封王武為高麗國王己巳射兔于臯門辛沙臺十二月丁丑臘敗于郊丁亥桑維翰罷開封尹趙瑩為中書令李崧守侍中樞密使

三年春二月丙子回鶻使突厥陸來壬午射鴨于板橋辛南莊夏六月孫方諫以狼山叛附于契丹丙寅契丹寇邊己丑李守貞為行營都部署義成軍節度使皇甫遇為副河決漁池大饑群盜起秋七月大雨水河決楊劉朝城武德八月辛酉河溢歷亭九月河決澶滑懷州辛丑行營馬軍排陣使張彥澤及契丹戰于新興敗之癸卯劉知遠及契丹戰于朔州敗之大雨霖河決臨黃冬十月河決衛州丙寅河決原武辛未杜威為北面行營都招討使李守貞

為兵馬都監十一月永靜軍節度使梁漢璋及契丹戰于瀛州敗績契丹寇鎮定十二月己未杜威軍于中渡壬戌奉國都指揮使王清及契丹戰于滹沱敗績死之戰將死於陣守將歿於城也不書死者以其志未可知也或欲走而不得或欲降而未暇遽以被殺爾若不走不降而死節明者自書死如清是已杜威李守貞張彥澤以其軍叛降于契丹庚午射兔于沙臺壬申張彥澤犯京師殺開封尹衆維翰契丹滅晉出帝雖存而晉則亡已故書其滅嗚呼余書封子重貴為鄭主又書追封皇伯敬儒為宋王者豈無意哉禮兄弟之子猶子也重貴子可矣敬儒出帝父也書曰皇伯者何哉出帝立不以正而絕其所生也蓋出帝於高祖得為子而不得為後者高祖自有子也方高祖疾病抱其子重貴實於馮道懷中而託之出帝豈得立

邪並見之大臣既違禮廢命而立之以謂出帝為高祖子則得立為敬儒子則不得立於是深諱其所生而絕之以欺天下為真高祖子也禮曰為人後者為其父母服使高祖無子出帝得為後而立以正則不待絕其所生以為欺也故余書曰追封皇伯敬儒為宋王者以見其立不以正而滅絕天性臣其父而爵之以欺天下也

五代史記卷第十

漢本紀十

宋歐陽脩撰徐無黨注明汪文盛高繼傳汝舟校

高祖睿文聖武昭肅孝皇帝姓劉氏初名知遠其先沙陀部人也其後世居于太原知遠弱不好弄嚴肅寡言面紫色目多白睛凜如也與晉高祖俱事明宗為偏將明宗及梁人戰德勝晉高祖馬甲斷梁兵幾及知遠以所乘之馬授之復取高祖馬毀而還高祖德之高祖留守北京以知遠為押衙潞王從珂反敗帝出奔高祖自鎮州朝京師遇敗帝于衛州止傳舍知遠遣勇士石敢袖鐵槌侍高祖以虞變高祖與敗帝議事未決左右欲兵之知遠擁高祖入室敢與左右格鬪而死知遠即率兵盡殺敗帝左右留帝傳舍而去廢帝入立高祖復鎮河東已而有隙高祖將舉

兵知遠與素維翰密為高祖謀書贊成之高祖即位於太
原以知遠為侍衛親軍都虞候領保義軍節度使契丹耶
律德光送高祖至潞州臨決指知遠曰此都軍其操刺謂勇猛為操刺錄其本語世
指揮使領忠武軍節度使已而以杜重威代知遠領忠武
徙知遠領歸德知遠耻與重威同制杜門不出高祖怒欲
罷其兵職宰相趙瑩以為不可高祖乃遣端明殿學士和
凝就第宣諭知遠乃受命五年徙鄴都留守九月朝京師
高祖幸其第六年拜河東節度使北京留守七年高祖崩
知遠從高祖起太原有佐命功自出帝立與契丹絕盟用
兵北方常疑知遠勳位已高幸晉多故而有異志每優尊
之拜中書令封太原王幽州道行營招討使又拜北面行

營都統開運二年四月封北平王三年五月加守太尉然
王未嘗出塞劫舟寇澶州別遣偉王攻鴈門敗之于秀容
八月殺吐渾白承福等族取其貨鉅萬良馬數千四年契
丹犯京師出帝北遷王遣牙將王峻奉表契丹耶律德光
呼之為兒賜以木柺一木柺虜法貴之如中國几杖非優
大臣不可得峻持柺歸虜人約妻之皆避道峻還為王言契
丹必不能有中國乃議建國二月戊辰河東行軍司馬張
彥威等上牋勸進辛未皇帝即位稱天福十二年天福晉高祖年稱也
天福止八年改元開運至此四年矣漢雖建國而未嘗有國號又稱慈
晉年稱捨開運而追續天福為十二年初無義理但書其實爾
州賊首梁暉取相州來歸暉來降曰來歸哀斯人也是特天下
而來於此者異矣漢高祖非有德之君惶武節都指揮使史弘
惶斯人之無所歸者猶得而歸也故曰歸肇取代州殺其刺史王暉晉州將藥可傳殺其守將駱從

朗及括錢使諫議大夫趙熙來歸辛巳陝州留後趙暉潞
州留後王守恩來歸三月丙戌朔蠲河東雜稅辛卯延州
軍亂逐其節度使周密至辰丹州指揮使高彥詢以其州
來歸壬寅契丹脉聞漢起大原畏而去攻與自去異其文趨者退避之稱以其將蕭翰為
宣武軍節度使守汴州夏四月己未右都押衙楊邠為樞
密使蕃漢兵馬都孔目官郭威權樞密副使契丹陷相州
殺梁暉癸亥立魏國夫人李氏為皇后甲子河東節度判
官蘇逢吉觀察推官蘇禹珪為中書侍郎同中書門下平
章事乙丑侍衛親軍步軍都指揮使史弘肇取潞州戊辰
奉國指揮使武行德以河陽來歸史弘肇取澤州丙子契
丹耶律德光卒于欒城契丹入于鎮州五月甲午太原丑
劉崇為北京留守丙申如東京蕭翰遜歸于契丹以郇國

公李從益知南朝軍國事戊申次絳州刺史李從朗來歸

六月丙辰次河陽殺李從益及其母于京師甲子至自太

原戊辰改國號漢高祖初建國無國號蓋其制詔皆無明文故關

明據故慎於所疑爾此書改國號漢則未改之前宜有所稱此可以推知也赦罪人蠲民稅于闐遣

使者來是夏劉昫薨秋閏七月乙丑禁造契丹服器天雄

軍節度使杜重威反杜重威於晉出帝時避出帝名去重至漢而復之天平軍節度使

高行周為鄴都行營都部署以討之庚辰追尊祖考為皇

帝妣為皇后高祖湍謚曰明元廟號文祖祖妣李氏謚曰

明貞曾祖昂謚曰恭僖廟號德祖祖妣楊氏謚曰恭惠祖

僕謚曰昭憲廟號翼祖祖妣李氏謚曰昭穆考典謚曰章

聖廟號顯祖妣安氏謚曰章懿以漢高皇帝為高祖光武

皇帝為世祖皆不祧八月護聖指揮使白再榮逐契丹以

皇帝為世祖皆不祧八月護聖指揮使白再榮逐契丹以

鎮州來歸丙申安國軍節度使薛懷讓殺契丹之將劉鐸
入于邢州九月甲戌吏部尚書竇貞固守司空兼門下侍
郎翰林學士中書舍人李濤為中書侍郎同中書門下平
章事庚辰北征冬十月甲申次韋城赦河北十一月壬申
杜重威降十二月癸巳至自鄴都乾祐元年春正月乙卯
大赦改元巳未更名景高丁丑皇帝崩于萬歲殿年五
隱帝高祖第二子承佑也高祖即位拜右衛上將軍大內
都點檢魏王承訓長而賢高祖愛之方屬以為嗣承訓薨
高祖不豫悲哀疾劇乃以承祐屬諸將相宰相蘇逢吉曰
皇子承佑未封王請亟封之未及封而高祖崩秘不發喪
殺杜重威

乾佑元年二月辛巳封承佑周王是日皇帝即位于極前

壬辰右衛大將軍鳳翔巡檢使王景崇又蜀人戰于大散
關敗之癸巳大赦三月壬戌竇貞固為大行皇帝山陵使
吏部侍郎段布堯為副太常卿張昭為禮儀使兵部侍郎
盧價為鹵簿使御史中丞邊蔚為儀仗使丁丑李濤罷護
國軍節度使李守貞及陷潼關夏四月辛巳陝州兵馬都
監王克潼關壬午永興軍將趙志節附于李守貞客
省使王峻帥師屯于關西峻不命將又令討賊但令揚邠
為中書侍郎兼吏部尚書同中書門下平章事鄆威為樞
密使鎮寧軍節度使鄆從義為永興軍兵馬都部署戊子
保義軍節度使白文珂為河中兵馬都部署河決原武五
月巳未回鶻遣使者來乙亥魏州內黃民武進妻一產三
男子河決滑州魚池旱蝗秋七月戊申朔彰德軍節度使

王繼弘殺其判官張易鸚鵡食蝗丙辰禁捕鸚鵡庚申郭
威同中書門下平章事癸亥契丹歸州刺史王彥徽來奔
庚午殺成德軍副使張鵬乙亥王正宗叛附于李守貞八
月壬午郭威討李守貞九月丙午面行營都虞候尚弘遷及
趙思綰戰敗績冬十月甲申吐蕃使斯漫篤蘭蘆藥斯來
十一月甲寅殺太子大傅李山松滅其族壬申葬睿文聖武
昭肅孝皇帝于睿陵在河南十一月己卯彰武軍節度
使高允權殺太子八師致仕劉晏在河南
二年隱帝即位二十五年改元而不改元且周顯德二年在而帝名承
祐年名乾祐舉國臣民共稱而不改號當時吳大之本紀無
譏者但書其實春正月乙巳朔赦囚二月丙子蠲民紐配
租夏五月李守貞之將周光遜降乙丑趙思綰降六月辛
卯回鶻首領楊彥珣來西京府遣使者來蝗秋七月丁巳

郭威殺華州留後趙思綰于京兆甲子克河中守貞自焚死
故不書伏誅
八月郭從義殺前永興巡檢喬守溫丙戌郭威使來獻俘
冬十月契丹寇趙魏群臣進添都馬契丹陷内丘己丑郭
威及宣徽南院使王峻伐契丹十一月契丹遜
三年春正月西面行營都部署趙暉克鳳翔景崇自焚死
故不書伏誅
丙午郭威進添都馬壬子趙暉獻馘俘二月甲戌旌表頴
州汝陰民麴温明閏二月己酉寒食望祭于南御園夏四
月壬午郭威以樞密使為天雄軍節度使六月癸卯河決
原武秋八月達鞠來附冬十一月丙子殺楊邠及待衛親
軍都指揮使史弘肇三司使王章皆滅其族郭威又庚辰
義成軍節度使宋延渥叛附于威壬午威犯封丘秦寧軍
節度使慕容谷彥超軍于七里店癸未勞軍于北郊甲申勞

軍于劉子陂慕容彦超及郭威戰敗績開封尹侯益叛降

于威郭允明反乙酉皇帝崩年二十周廣順元年葬之許州

書蘇逢吉自殺漢亡自隱帝崩後四十二年周太祖始即位

亡矣其太后臨朝相陰公嗣立皆周所假託非誠實所以破其姦

鳴呼人君即位稱元年常事亦古不以為重也孔子未修

春秋其前固已如此雖暴君昏主安庸之史其記事先後

遠近莫不以歲月一二數之乃理之自然也其謂一為元

亦未嘗有法蓋古人之語爾古謂歲之一月亦不云一而曰正

元年為春秋大法遂以改元為重事自漢以後又名年以

建元而正偽紛雜稱號遂多不勝其紀也五代亂世也其

事無法而不合於理者多矣皆不足道也至其年號乖錯

以惑後世則不可以不明初梁太祖以乾化二年遇弒明

年未帝已誅友珪黜其鳳曆之號復稱乾化二年尚為有

說至漢高祖建國黜晉出帝開運四年復稱天福十二年

者何哉蓋以其愛憎之私爾方出帝時漢高祖居太原常

憤憤下視晉而晉亦陽優禮之幸而未見其隙及契丹滅

晉漢未嘗有赴難之意出帝已北遷方陽以兵發言追之

至上門而還及其即位改元而黜開運之號則其用心可

知矣嗟其於出帝無復君臣之義而幸禍以為利者其素

志也可勝歎哉夫所謂有諸中必形於外者其見於是乎

五代史記卷第十

五代史記卷第十一

周本紀十一

宋歐陽脩撰得無黨注明文盛高毅傳汝舟校

太祖聖神恭肅文武孝皇帝姓郭氏邢州堯山人也父簡
事晉為順州刺史劉仁恭攻破順州簡見殺子威少孤依
潞州人常氏潞州留後李繼韜募勇敢士為軍卒威年十
八以勇力應募為人負氣好使酒繼韜特奇之威嘗游于
市市有屠者常以勇服其市人威酒醉呼屠者使進几割
肉割不如法叱之屠者披其腹示之曰爾勇者能殺我乎
威即前取刀刺殺之一市皆驚威頗自如為吏所執繼韜
惜其勇陰縱之使亡已而復召置麾下繼韜叛晉附于梁
後莊宗滅梁繼韜誅死其麾下兵悉隸從馬直威以通書
筭補為軍吏好讀聞外春秋略知兵法後為侍衛軍吏漢

高祖為侍衛親軍都盧候充親愛之後高祖所臨鎮嘗以威從契丹城晉漢高祖起兵太原即皇帝位拜威樞密副使乾佑元年正月高祖疾大漸以隱帝託威及史弘肇等隱帝即位拜威樞密使是歲三月河中李守貞永興趙思綰鳳翔王景崇相次反隱帝遣白文珂郭從義當田等分討之少時自無功隱帝謂威曰吾欲煩公可乎威對曰臣不敢請亦不敢辭惟陛下命乃加拜威同中書門下平章事使西督諸將威居軍中延見賓客褒衣博帶及臨陣行營幅巾短服與士卒無異上所賜予與諸將會射悉其所取其餘悉以分賜士卒將士皆懽樂威至河中柵其城東思柵其西又珂柵其西調五縣十二萬人築連壘以護三柵諸將皆以謂守貞窮寇破在旦夕不宜勞人如此威不聽

已而守貞斂出兵擊壞連壘威輒補之守貞輒復出擊每出必有亡矢又之城出兵食俱盡威曰可矣乃治攻具為期日四面攻之破其羅城守貞與妻子自焚死思綰景崇相次降隱帝勞威以玉帶加檢校太師兼侍中威辭曰臣事先帝見功臣多矣未嘗以玉帶賜之因言臣幸得率行伍假漢威靈以破賊者豈特臣之功比自將相之賢有以安朝廷撫內外而饋餉以時故臣得以專事征伐隱帝以威為賢於是采石揚州史弘肇蘇逢吉禹珪竇貞固王章等皆賜以玉帶威乃受威又推功大臣請加爵賞於是加貞固司空逢吉司徒禹珪邠左右僕射已而又曰此特漢廷親近之臣耳漢諸宗室天下方鎮外暨荆浙湖南皆未及也由是濫賞遍于天下是冬契丹寇邊威以樞密使北伐

至魏州契丹遜三年二月師還四月拜威鄴都留守大雄
軍節度使仍以樞密使之鎮宰相蘇逢吉以謂樞密使不
可以藩鎮兼領與史弘肇等固爭久之卒以樞密使行詔
河北諸州皆聽威節度使李業等謀已殺史弘肇等
詔鎮寧軍節度使李弘義殺侍衛步軍指揮使王殷于澶
州又詔侍衛馬軍指揮使郭崇殺威及宣徽使王峻于魏
詔書先至澶州弘義恐事不果反以詔書示殷殷與弘義
遣人告威已而詔殺威峻使者亦馳騎至威匿詔書召樞
密使院吏魏仁浦謀於卧内仁浦勸威反教威倒用留守
印更為詔書詔威誅諸將校以激怒之將校皆憤然效用
十一月丁丑威遂舉兵渡河隱帝遣開封尹侯益保大軍
節度使張彥超客省使閻普卿等率兵拒威又遣内養龍

脫覘威所嚮龍鳥脫為威所得威乃附脫奏請縛李業等送
軍中隱帝得威奏以示業等業等皆言威反狀已白乃悉
誅威家屬于京師庚辰威至滑州義成軍節度使宋延渥
叛于漢來降壬午犯封丘甲辰及泰寧軍節度使慕容彥
超戰于劉子陂彥超敗奔于交州郭允明反弒隱帝于趙
村丙戌威入京師縱火大掠戊子率百官朝太后于明德
門請立嗣君太后下令文武百僚六軍將校議擇賢明以
承大統庚寅威率百官詣明德門請立武寧軍節度使賈
為嗣遣太師馮道迎賈于徐州辛卯請太后臨朝聽政以
王峻為樞密使翰林學士尚書兵部侍郎范質為副使十
二月甲午朔威北伐契丹軍于滑州癸丑至澶州而旋王
峻遣郭崇以騎兵七百逆劉賈于宋州殺之其將鞏廷美

楊温為贛守徐州戊午次阜門漢宰相竇貞固蘇禹珪來
勸進庚申太后制以威監國

廣順元年春正月丁卯皇帝即位大赦改元國號周己巳
上漢太后尊號曰昭聖皇太后戊寅漢劉崇自立于太原

吳蜀諸國自立皆絕而不書此書與其不屈于周語在十國年譜論己卯馮道為中書令二月辛

丑西州回鶻使都督來丁未契丹使烏骨支來癸丑寒食

望祭于蒲池蒲池佛寺名也丁巳尚書左丞田敏使于契丹回鶻

使摩尼來三月甲戌武寧軍節度使王彥超克徐州鞏延美

温不書死之語在贊傳夏四月甲午立夫人董氏為德妃五月辛未

追尊祖考為皇帝妣為皇后高祖璟謚曰睿祖廟號信祖

祖妣張氏謚曰睿恭曾祖諡曰明憲廟號僖祖祖妣申

氏謚曰明孝祖蘊謚曰翼順廟號義祖祖妣韓氏謚曰翼

敬考謚曰章肅廟號慶祖妣王氏謚曰章德六月辛亥范

質及戶部侍郎判三司李穀為中書侍郎同中書門下平

章事竇貞固蘇禹珪罷癸丑范質叅知樞密院事丁巳宣

徽北院使翟光鄴為樞密副使秋七月戊寅辛王峻第八

月壬寅契丹來歸趙瑩之喪冬十月丙午漢人來討討加

漢之於周攻自晉州云自晉州者見漢兵當討罪人于京師自

漢所傳誅十一月王峻及建雄軍節度使王彥超拒之十二月

慕容彥超反

二年春正月甲子侍衛步軍都指揮使曹英為兗州行營

都部署庚午高麗王昭使其廣評侍郎徐逢來二月庚寅

府州防禦使折德戾克尙嵐軍二月丁巳朔寒食望祭于

郊戊辰內客省使鄭仁誨為樞密副使翟光鄴罷癸丑五月

庚申東征李穀留守東都鄭仁誨為大內都點檢癸亥次曹州赦流罪以下囚乙亥克交州彥超投井死壬午赦兗州六月乙酉朔幸曲阜祠孔子庚子至自兗州秋九月乙丑大僕少卿王演使于高麗契丹寇邊

三年春正月乙卯麟州刺史楊重訓叛于漢來附閏月丙

戌回鶻使獨呈相温來二月甲子貶王峻為商州司馬三

月甲申封榮為晉皇不書日子者榮於禮不得為子不書子則丙當書其本姓又不書者周人所共諱

戊鄭仁誨罷己丑棣州團練使王仁鎬為右衛大將軍樞

密副使夏六月大雨水秋七月契丹盧臺軍使張藏英來

奔九月吐渾党富達等來冬十月庚申馮道為奉迎坤主

使十一月癸未党項使吳帖磨五等來十二月戊申四廟

神主至自西京迎之于西郊祔于太廟壬申殺天雄軍節

度使王殷乙亥享于太廟

顯德元年春正月丙子朔有電于南郊大赦改元羣臣上

尊號曰聖明文武仁德皇帝戊寅罷鄴都丙戌鎮寧軍節

度使鄭仁誨為樞密使壬辰端明殿學士戶部侍郎王溥

為中書侍郎同中書門下平章事王仁鎬罷是日皇帝崩

于滋德殿年五十一書是日連上文嫌無崩日

